

南
唐
書
注

南唐書注卷四

宋陸游撰

祥符周在浚雪客注

宋齊正列傳第一

宋齊正字子嵩初字昭回以正台廬陵人父誠與鍾傳

同起兵唐書曰鍾傳洪州高安人負販自業或勸其

為長乃糾夷獠依山為壁至萬人自稱高安鎮撫使仙

芝遣柳彥璋略撫州不能守傳入據之有諸朝詔郎拜

刺史中和二年逐江西觀察使高茂卿遂有洪州撫民

危全諷聞傳之去竊州以叛使弟存昌據信州僖宗擢

傳江西團練使之南平傳率兵圍撫州天火其城士民譴

潁州郡王又徙南平傳率兵圍撫州天火其城士民譴

驚諸將請急攻之傳曰乘人之險不可乃祝曰全諷罪

無害民者火即止全諷聞謝罪聽命以女為吉州刺史

傳以匡時為袁州刺史擊馬殷又以彭玕為吉州刺史

玕健將也傳倚以為重廣明後州縣不鄉貢惟傳歲薦

士行鄉飲酒禮率官屬臨觀資以裝齋故士不遠千里

走傳府傳少射獵醉遇虎與鬪虎搏其肩而傳亦持虎

不置令人斬虎然後免既貴悔之戒諸子曰士處世何
智與謀勿效吾暴虎也乃畫搏虎狀以示子孫凡出軍
交戰必禱佛祠積餽餅為犀象高數尋晚高駢表傳為
節重歛商人至棄其貨去天祐三年卒

洪州節度使以誠副之卒官因家洪州齊正好學善屬

文尤喜縱橫長短之說烈祖為昇州刺史齊正因騎將

姚克瞻得見江南別錄曰齊正驕旅淮南欲上書干謁

年子何不樂齊正以情告召歸置食贈錢數千因曰少

時至此不遣郎有所闕也齊正感之及貴納為正室

五代史補曰齊正素落魄父卒家計蕩盡時姚祠天為

淮揚騎將素好士齊正欲謁之囊空無以備紙筆於逆

旅杜門坐如此數日鄰房有散樂女尚幼問齊正曰秀

才何以不齊正以實告女歎曰此甚小事何客相示

乃惠以數縑齊正為詩誦投刺天其略曰某學武無成

攻書失志歲華銷蹙身蹤此胸中萬仞青山壓低眉

宇頭上一輪紅日燒盡風雲加以天步凌遲皇綱廢弛

四海淵黑中原血紅捉飛蒼走黃之辯有出鬼沒神之

機洞天怒其言大不即接見齊正窘急乃更其啟翌日

復至略曰有生不如無生為人不如若為鬼又云某為誠

悲萬端只為飢寒雨宇洞天始憫之漸加拯救馬書

日齊王初館於娼妓魏氏藉其賞給遂以為正室後封

人國夫暇日陪燕游賦詩以獻曰養花如養賢去草如去

惡松竹無時衰蒲柳先秋落姚寬西谿叢語曰紹興王

軍建康寓保寧寺登鳳皇臺有小碑在亭上云五言三

十韻詩一首題鳳皇山亭子陳獻司空鄉貢進士宋齊

正上嵯峨壓洪泉岸客携樽落宜哉秦始皇不驅亦不

鑿上有布政臺八顧皆城郭山盛龍虎健水黑螭蜃作

白虹欲吞人赤驥相搏縶盡棟泥金碧石路盤曉確到

挂哭月援危立思天鶴鑿池養蛟龍栽松栢鸞鶯梁間

燕教雛石鱗地懸鼓養花如養賢去草如去惡日晚嚴

城鼓風來蕭寺鐸地無盛衰埃剪蒿除鳥雀金桃帶葉

摘綠李和衣嚼貞竹無盛衰埃剪蒿除鳥雀金桃帶葉

草合臨春閣芙蓉如佳人迴首似調謔當軒有直道無

人肯駐脚夜半鼠悉率天陰鬼敲啄孤不立石欄

難安著自憐啄木鳥去盡終不錯曉風吹梧桐樹頭鳴

嘍嘍峨峨江令石青苔何淡薄不話興亡事舉首思渺

邈吁哉未到此福劣同尺蠖籠鶴羨鳬毛猛虎愛蝸角

雲偶不來寰宇銷一略我欲烹長鯨四海為鼎鑊我欲

取大鵬天地為煥安得生羽翰雄飛上寥廓後題
云前朝天祐八年二月二十一日題後唐昇元三年二
月八日奉敕勒石崇英殿副使知院事檢校工部尚書
兼御史大夫上柱國王紹顏奉敕書銀青光祿大夫兼
監察御史王仁壽鑄大宋治平四年九月望日重摹上
石後數月一夕風雨亭頽倒石斷裂據湘山野錄載宋
齊正相江南李先主璟二世皆為左僕射璟愛其才而
知其不正嘗獻鳳皇臺詩中有我欲烹長鯨四海為鼎
鑊我欲羅鳳皇天地為燔燼之句皆欲諷其跋扈也而
主終不聽不得意上表乞歸九華其略云千秋載籍願
為知足不聽之人九朵峰巒永作乞骸之客主知其詐也試
考之先主昇舊名知詰為徐溫養子以天祐九年遷昇
州刺史饒洞天舊名知詰為徐溫養子以天祐九年遷昇
魏氏女竊賂遺數緡獲備官幅遂克投贊先主一見賓
之以國士今觀題鳳皇山亭子詩陳獻司空乃鄉貢進
士時豈投贊之時乎後題天祐八年恐記事者差一年
也音釋曰今石刻王紹顏奉敕書貞竹無盛衰媚柳
先搖落一聯小異昇元中敕立景定建康志曰石立
臺上其詩全陸游入烈祖奇其志待以國士從鎮京
蜀記曰石瑩潤如黑玉烈祖奇其志待以國士從鎮京
口入定朱瑾難常參祕畫五國故事曰知詰聞難謀於

江定其事仍馳聞令公則政事之任歸公矣不因說烈
然令公當以諸子入溫聞知已入遂因而計之
祖講典禮明賞罰禮賢能寬租賦多見聽用
有丁口錢又計畝輸糧錢重物輕民其苦之齊王說知
也請蠲丁口錢自餘稅悉輸穀帛絹帛四直十錢者當
稅三十或曰如縣官歲失錢億萬計齊王曰安有民
富而國貧者知諸從之由是江淮開曠土盡闢桑柘滿
野國以富強許載吳唐拾遺曰吳順義年中差官與
販簿定租稅宋齊王致書于徐知誥曰明公總百官理
大政督民現錢與金銀求國富庶所謂擁簪救火撓水
求清欲火滅水清可得乎知誥曰此勸農上策也即行
之江南海水清可得乎知誥曰此勸農上策也即行
定民科江南野史曰齊王說先主宜頒布六條以率羣吏
民庶豐實郡邑安堵禮律修舉庶位公廉城郭濬固軍
器充足兵士輯
睦人樂爲用
烈祖爲築小亭池中以橋度至則撤之
獨與齊王議事常至夜分又爲高堂不設屏障吳唐拾
揚州孝先寺菩薩院建一堂既高且敞撤去屏障曰於
南野史曰齊王說先主虛懷待士博訪藝能遂立延賞

亭招納賢豪以款時望復創一池中立亭宇每與先主登臨屏絕人迹以議家國或至夜其池亭今猶存焉

中置灰鑪而不設火兩人終日擁鑪畫灰爲字旋即平

之堯山堂外紀曰先主欲諷動僚屬雪天大會出一令借雪取古人名仍詞理貫通時宋齊王徐融在坐先

主先爲令曰雪下紛紛便是白起齊王曰著履過街必須雍齒融意欲挫先主遠日明朝日出爭奈蕭何先主

大怒是夜收融投于江自是惟齊王與謀人以此劉穆之之佐宋高祖然齊

王資躁褊或議不合則拂衣徑起烈祖謝之乃已義祖

獨惡其爲人每欲進拔輒不果浮沈下僚十餘年五國故事

曰齊王既在知諸賓席溫甚疑之時齊王寓石頭大師精舍一日溫謂石頭曰宋措大在吾兒門下甚非純信

之士慮其不以忠孝爲務命石頭察之齊王聞其事遂晨出尋歸歸必大醉或以花間柳曲謳歌之辭示之石

頭乃謂溫曰宋措大狂義祖末年議者多請以徐氏諸漢耳溫由是不介意

子執國政烈祖聞之亟欲自請出鎮齊王請徐之俄義

祖殂自殿直軍判官擢右司員外郎進右諫議大夫兵

部侍郎九國志曰參議居中用事且倚以為相齊王自

以資望尚淺或不為國中所服乃告歸洪州改葬因入

九華山累啟求致仕不許江南野錄載齊王讓表曰昔

熊況臣非繁嚴之相鈞渭之時元宗已為大將軍烈祖

以吳帝命元宗躬往迎之於是齊王託不得已而起

江南野史曰嗣主與齊王方舟並濟遂拜中書侍郎遷

右僕射平章事資治通鑑曰齊王入九華山止于應天

寺及除右僕射致仕更名應天寺曰徵烈祖出鎮金陵以元宗入輔委齊王左右之初烈祖

權位日隆舉國皆知代謝之勢吳帝謙恭無失德江南

野史曰吳主宮禁內嬪御貴戚警效噫歎烈祖懼羣情未協

之徵齊王莫不知之以陰圖金陵

欲待嗣君與齊王議合已都押衙周宗揣微指請急至
都以禪代事告齊王齊王默計大議本由己出今若遽
行則功歸宗欲因以釣名乃留與夜飲亟遣使手書切
諫以爲時事未可後數日馳至金陵請斬宗謝國人烈
祖亦悔將從之徐玠固爭纔黜宗爲池州副使玠乃與
李建勳等極言宜從天人之望復召宗還舊職齊王由
是頗見疏忌留爲諸道都統判官加司空

江南錄通兼
申蔡節度使

無所關預從容而已數請退烈祖以南園給之俄齊國
建猶以勳舊爲左丞相不預事李德誠周本自廣陵持
吳帝詔來行傳禪齊王謂德誠子建勳曰尊公吳室元
勳今日埽地矣獨稱疾臥家不預勸進烈祖既受禪徐

玠爲待中李建勳爲中書侍郎同平章事周宗爲樞密

使齊正但遷司徒中懷不平及宣制至布衣之交忽抗

聲曰臣爲布衣時陛下亦一刺史耳今爲天子可不用

老臣矣烈祖優容之

馬書曰齊正拂衣而出闕門請罪烈祖但遜辭喻之不爲改官

國故事曰宋齊正既以徐氏啟慶開國之宴遂乘醉大詬于筵上百官悚然知詬隱忍而已嘗夜燕

天泉閣李德誠曰陛下應天順人惟齊正不悅因出齊

正諷止勸進書

十國紀年曰還宗信書令宗信諷烈祖止德誠勸進而不云宗信何人

卻之

資治通鑑曰唐主執書不視

曰子嵩三十年故人豈負我者齊

正頓首謝自是爲求媚計更請降讓皇爲公侯絕吳太

子璠婚

馬書曰其詞云非獨婦人有七出夫有罪亦可出之聞者莫不大笑久之表言備

位丞相不當不聞國政又自陳爲人所聞烈祖大怒齊

正歸第白衣待罪而烈祖怒已解謂左右曰宋公有才
特不識大體爾孤豈忘舊臣者命吳王琬持手詔召見
遂以丞相同平章事浸復委任兼知尙書省事馬書曰齊王自
陳以輔相之重不可不與政烈祖許其入中書視事又
以兩省事多委給事舍人而中外繁劇之務皆在尙書
省乃求知尙書省事亦許之于是悉取朝廷附己者分
掌六司下及胥吏皆用所親吏徐鉉宋齊王知尙書
省制曰敕兩掖南宮樞機之地也元台上公股肱之寄
也況親賢在位中外具瞻式敘彝倫爰申明命夫眞宰
之重大政咸歸出納王言固當綜錄侍中書門下兩省事
南省未叶舊章宜罷判尙書省使領中書門下兩省事
太保齊王雖道在經邦方資誨納而事殷會府兼結允
釐可知尙書省事大元帥齊王總納百揆以貞萬邦凡
日謨猷悉口獻替其三省事並取齊王恭決朕允思恭
己以荷景靈用一國之才敢辭則哲成天下之務庶叶
無爲方俟沃與張居詠李建勳更曰入閣議政契丹耶
律德光遣使來齊王陰謀閒契丹使與晉相攻則江淮

益安密請厚其原幣遣還至淮北潛令人刺殺之契丹
與晉果隙齊王親吏夏昌圖盜庫金數百萬特判傳輕
典烈祖命斬昌圖齊王慙稱疾求罷省事許之遂不復
朝謁帝遣壽王景遂勞問許鎮故鄉始入朝因召與宴
飲齊王酒酣輒曰陛下中興實老臣之力乃忘老臣可
乎烈祖怒曰太保始以游客干朕今爲三公足矣資治通鑑
曰乃言朕烏喙如句踐齊王詞色愈厲曰臣爲游客時
難與共安樂有之乎

陛下亦偏裨耳今不過殺老臣遂引去烈祖頗悔明日
手詔曰朕之性子嵩所知少相親老相怨可乎拜鎮南
節度使至鎮起大第窮極宏麗坊中居人皆使修飾垣
屋民不堪其擾有逃去者初赴鎮烈祖曰衣錦書行古

人所貴賜以錦袍親爲著之遂服錦袍視事

江南野史曰改其故

里爲受親里坊爲衣錦坊

元宗卽位召拜太保中書令與周宗並相

齊王之客最親厚者陳覺元宗亦以爲才馮延巳延魯

魏岑查文徽與覺深相結附內主齊王時謂五鬼相與

造飛語傾周宗宗泣訴於元宗而岑覺又更相攻於是

出齊王爲鎮海軍節度使齊王怏怏力請歸九華舊隱

從之

資治通鑑曰唐宣城王景達剛毅開爽烈祖愛之

由是怨齊王

又曰唐王亟稱其才以齊王年長而止王

明日之行

昔時相許朕實知公故不奪公志江南野

史曰嗣主深居

宮禁大失統馭齊王每犯顏諫正陳以

侍旦之微馭朽

之危不從以爲浙西節度使自是左右

勳舊不能折節

隨時爲鍾謨常夢錫江文蔚蕭儼等所

謗乃歎曰鳥盡

兔死弓藏犬烹矣因表乞歸九華舊居

湘山野錄曰宋齊王相江南李先主昇及事中主璟

二世皆爲石僕射景愛其才而如其不正一日侍景于
華林廣席獻獨鼓詩曰巧斲牙牀鏤紫金最宜平穩孤
槽深因逢淑景開佳宴爲出花奴奏雅音掌底輕穩孤
鷗噪杖頭乾快舞蟬吟開元天子曾如此今日將車好
用心初上元縣一殿庭閒忽見先主氣尚暖凡三日甚嚴
誤句也白言至一殿庭閒忽見先主氣尚暖凡三日甚嚴
民大駭竊問曰主何至于斯耶主曰吾爲宋齊王所誤
殺和州降者千人以冤訴因以此主問其民曰汝何至
耶其民具道誤句之事實主聞其民卻得生還喜且泣曰
吾仗汝歸語嗣主凡寺觀鳴鐘當廷之令永吾受苦惟
聞鐘則暫休或能爲吾造一鐘尤善民曰吾下民爾無
緣得見設見之胡以爲吾驢主沈慮曰吾在法嘗與子
國交聘遺吾一瑞玉天王王吾愛之嘗置子髮受百官朝
一日如廁忘取之因感頭痛夢神謂吾曰玉王寅于
佛塔或佛體中則當愈吾因獨引一匠攜於瓦棺寺鑿
佛左膝以藏之香泥白封無一人知者汝以此事可驗
又云語嗣君勿信用宋齊王民既還家輒不敢已遂乞
見主具白之果曰冥冥何憑民具以玉王之事陳之
主親詣瓦棺剖佛膝果得之感泣慟辭遂立造一鐘於
清涼寺鑄其上云薦烈祖孝高皇帝脫幽出見以玉像
建塔葬於蔣山賜號九華先生封青陽公食青陽一縣
齊王寵待愈解

租稅資治通鑑曰齊正治大第於青陽服御將吏皆如
祖招徠俊傑布在班行如孫晟韓熙載等皆有特操議
論可聽及晚年或於陳覺馮延巳等更疏薄平時素所
知獎者新進用事之人聲勢氣微往往炙手可熱孫丞
相等皆所歎吒一日晟閒見齊正曰君侯以管樂之才
當阿衡之地好惡舉動不可不審且曰君侯以管樂之才
者近則法從數君子遠則金華所以開列與三院所與共
德糾謬之任又勸講金華碩德其性方整重實有守而不
以隆重國本皆須搜擇碩德其性方整重實有守而不
回邪之人比日所除羣聽尚且不愜將復何所冀耶齊
正曰無忌素以大量稱號能容同異者方今大業草創
實籍眾俊奈河球稱而衡較且人全實不易得若以
一節一畧而棄其尋常僕懼無時而歎曰所得人也晟曰
不然僕聞之昔墨子見染素絲者而歎曰所得人也晟曰
色亦變凡五入而為五色矣故染不可不慎也舜染於
許由伯陽禹染於皋陶伯益湯染於伊尹仲虺武王染
於太公望周公染於召公奭成王染於召公奭成王染於
染於羊辛岐鍾之戎紂染於崇侯虎故王天下夏桀染
長父榮夷終幽王染於虢公鼓祭敦北四王者所染不
當故為天下僂今晨之私憂過計非謂求簡於人才也
畏所入者變則其色亦變也夫戒在於所染豈惟人才主

則然白干乘之國百乘之家以至於士庶人無不其然
君侯德操內定洞見情偽灼知事物之路不宜墜塞儻若左
無鼠察晨實恐九重淵深四聰之路或可以移乾剛之
右當前後全至霧集政當有敷受之垢所及矣晨本羈旅
斷當爾之意昏君誠威主上不契之遇而懷君侯推轂入
之餘智竭其筆墨之思惟君侯裁幸又數日韓熙載有入
私故貪竭其筆墨之思惟君侯裁幸又數日韓熙載有入
見齊正小人今日君之言出郊見羣兒爲飛鳶之戲竊有所
感激也今爲相君之言出郊見羣兒爲飛鳶之戲竊有所
飛鳶之初逝也其系發於輪緩急於穿握之閒或上或
下蓋唯羣兒語所欲爾及空迴風迅綫尾端直時或激昂
動搖羣兒相語此名索綫也眞不可縱縱則斷終而
去矣執綫者心知其不能加力獨念其決起可以快一
時之觀而力有所不能加力獨念其決起可以快一
亦不可得也既縱之後怍怍如鼓危絃其聲琤琤忽一縱
得勢則大挽裂以往或盤旋太虛兒躍或沒於滄洲杳
渺之外或得於積莽翳蒼之閒羣兒斷緒窮荒徑盡
日力而不可得踵穿衣決而返至爲其親加扑捶焉嗟
夫世事大有似此者願相君以爲念齊正日者無忌
有言於齊正之心鼎願然今叔言之辨可謂微矣吾方
思之異日有以教我願有所承熙載曰天下之勢蓋又
有甚於此者須別口謁之及馮陳朱查之黨成齊正地

在嫌甚不得已遜於九峰之谷一日晨起覽鏡
曰吾貌有慚色應媿孫無忌韓叔言蓋謂此也元宗欲
傳位齊王景遂詔景遂總庶政惟魏岑查文徵得奏事
餘非特召不得見國人大駭齊王自九華上疏極論不
可會言者眾乃收所下詔馬書曰元宗心既悟齊王乃
我十國春秋作謝仲或謂齊王先帝勳舊不宜久棄山
澤遣馮延巳召之不起遣燕王景達再持詔往乃起拜
太傅中書令封衛國公賜號國老奉朝請然不得預政
益輕財好客識與不識皆附之薦陳覺使福州諭李弘
義來朝覺至福州不敢言專命出兵敗事僉謂必坐誅
齊王上表待罪置不問覺亦不死鈞磯立談曰齊王復
開拓境之說於是南生楚隙西結越釁晚舉全國之力
賴兵歐閩徵發獨粟四境騷然李建勳賦詩有粟多未

必爲全策師老須防有齊正方怒韓熙載議其黨與黜
伏兵之句已果如其言齊正方怒韓熙載議其黨與黜
之元宗不悅復使鎮洪州周侵淮北起齊正爲太師領
劍南東川節度使進封楚國公與謀難齊正固讓仍爲
太傅江南野史曰齊正未至以劉彥貞爲都統山獫狁
春齊正聞之曰斯乃賊射括之徒焉能總眾以禦勍敵辱國喪師必是行矣因表乞急詔還不從彥貞聞之恨復而行未幾果沒

建議發諸州

兵屯淮泗擇偏裨可任者將之周人未能測虛實勢不
敢輕進及春水生轉饒道阻彼師老食匱自當北歸然
後遣使乞盟度可無大喪敗元宗惶惑不能用又力陳
割地無益與朝論頗異及明年暑雨周棄所得淮南地
北歸議者謂扼險要擊可以有功且懲後齊正謂擊之
怨益深不如縱其歸爲德由是周兵皆聚正陽而壽州

之園不可解終失淮南方是時陳覺李徵古同爲樞密
副使皆齊正黨專肆無臣禮自度事定必不爲羣臣所
容若齊正專大柄可無患覺乃乘閒言宋公造國艱難
陛下宜以國事委之元宗意謀出齊正大銜之會鍾謨
使還挾周爲重所言率見聽而謀本善李德明欲爲報
仇屢陳齊正乘國危殆竊懷非望且黨與眾謀不可測
馬書曰齊正居權要三十年唯欲人順已一言不同必
被排擠酷好術數凡天文地理占相卜視之徒在門下
者數十人厚祿給之相傳言齊正少時曾夢乘龍上天
凡文武百司皆布朋黨每國家有善政其黨輒言宋公
之爲有不善則曰不用宋公之言每舉一事知物議不
可則羣黨競以巧詞先爲之地故卒以此敗元宗謂近
臣曰齊正之才安能當此大難不遇率爾中以降自爲
功爾齊正表志曰保大之末王室多故覺及徵古變上
變言天命已改請元宗深居後苑請國老攝國事令陳
喬草敕喬袖敕上前曰陛下既署此敕臣不復見陛下

矣元宗使鍾謨言於周世宗曰罪大臣理合奏啟世宗
曰伯家國事大臣難預命遂下制幽死王壺清話曰
齊王樹朋黨陰白封植狡險貪穢古今無之智無遠識
事三朝惟延上視占相者數十輩置門下傳云齊王少
夢乘龍上天至垂老猶抱狂妄及國家發難尙欲乘其
勢以窺覲時年七十二矣事敗囚於家繫土垣穿竇以
給食而因緼焉平生無正元宗遂命殷崇義草詔曰惡
妻止以倡人爲偶亦封國又云宋齊王本一布衣遭
莫甚於無君罪莫深於賣國遇先帝不二十年窮極富
貴陳覺李徵古言齊王放歸九華山而不奪其官爵初
是造國之手理當居蠹命穴牆給食俄又絕之以餒卒
以獻資治通鑑曰唐主命鎖其第六牆給飲食齊王
歎曰吾昔獻謀幽議皇族於秦州宜其及此乃縊江
表志曰齊王至青陽絕食數日家人亦菜色中使云令
公捐館方供食家人以絮塞口而卒有黑氣一道舟中
起直貫九華唐餘紀傳曰家嵬坐餓商於其妻共縊
殺之江表志又云初齊王用啟事投姚洞天略云城
上之鳴鳴曉角吹入愁腸樹頭之蠟凝秋風結成離緒
又云豈堪憂悵萬端無奈飢寒兩字識者占其必死死

至是如其言南唐近事曰齊王微時日者相之曰君
貴不可說然亞夫下獄之相君實有之位極之日當早
引退庶幾保諡醜繆覺徵古皆誅死馬書曰齊王爲文
全果餓死諡醜繆覺徵古皆誅死有才而寡學議論
詭誕自以古今獨步書札不工亦自矜銜強鄙歐虞馬
延己工書遠勝齊王而伴爲師授以求媚齊王謂之日
子書非不善然不能精意往往似虞世南何堪也其狂
瞽如此齊王有文集六卷增補王管照神經十卷化書
六卷又宋藝文志載齊王爲唐僞臣其智特大鼠之雄耳何
足道哉其爲化書雖皆淺機小數亦微有見於道其能
成功而有以也吾嘗論黃老之道德本於清淨無爲遣去
情累而其末多流爲智術刑名何哉夫惟清淨者見物
之情而無爲者知事之要據其要而終其情者知術之
所從出也人義生於恩恩生於人情聖人情節而不遺
也無情之至至於無親人而無親則忍矣此刑名之所
以用也齊王之道既陋而其文章頗亦有可喜者未幾
其言曰君有奇智天下不親惟聖人出斯言不廢未幾
元宗燕居見齊王爲厲叱之不退遂遷南都日江南野史
南都宴百僚殿上忽見故太傅齊後主立召其家還金
正自陸趨進惡之人而得疾遂死

陵廩給甚厚方齊王敗時年七十三且無子

江南野史曰有一子

先世而亡王壺清話若謂窺伺謀篡竊則過也特好權

利尙詭譎造虛譽植朋黨矜功忌能飾詐護前富貴滿

溢猶不知懼狃於要君聞於知人冀隙遂成蒙大惡以

死悲夫

馬書曰齊王之事安所考信哉益亦考其所言與所行而已觀其著書云畫者不敢易圖像苟

易之必有咎刻者不敢侮木偶苟侮之必貽禍始制作於我又要敬於我又真禍於我此意以社稷之功自任也又云見食象者食牛不足見戴冕者戴冠不足則窺竊之計萌矣伐南陽攻仁達以空其國用逐常夢錫韓熙載江文蔚以開其忠言然則齊王之死自速辜爾

論曰世言江南精兵十萬而長江天塹可當十萬國老

宋齊王機變如神可當十萬周世宗欲取江南故齊王

以反閒死

江南野史曰孫忌使周世宗問忌江南可取虛實忌對曰臣本國雖小然甲兵尙三十餘

萬未易可圖世宗議忌曰江南不過十數郡而師旅太多何見欺與忌曰精甲利兵雖十餘萬然長江一條飛端千里風濤激湧險過湯池所謂天塹也斯可敵十萬之師國老宋齊王智謀宏遠機變如神乃王猛謝安之徒斯亦可敵十萬世宗聞而惡之又曰唐遣鍾謨使周世宗使謨還命曰朕與江南大義雖定然宋齊王不死殆難保和好尋齊王之死亦由是方五代之際天下分裂大亂賢人君子皆自引於深山大澤間以不仕爲得而馮道有重名於中原齊王擅眾譽於江表觀其人識時之治亂矣周師犯淮南齊王實預議雖元宗不盡用然使展盡其籌策亦非能決勝保境者且世宗豈畏齊王機變而閒之者哉蓋鍾謨自周歸力排齊王殺之故其黨附會爲此說非其實也予論序齊王事盡黜當時愛憎之論而錄其實覽者得詳焉

南唐書注卷四

南唐書注卷五

宋陸游撰

祥符周在浚雪客注

周徐查邊列傳第二

周宗字君太廣陵人

馬書作秣陵人

少遇亂孤窮事烈祖為給

使馬書曰署

閒于擯相辭令方時艱難每使四方輒稱

職端敏可仗恩顧日治烈祖鎮金陵為都押衙馬書曰

於金陵知詢謂宗曰僕射望高履危無頓西渡宗堅請

知詢手札示信遠得故茗帖書曰不必奔赴既而徐氏

諸子果以不奔赴讓烈祖烈祖因出所書茗紙示之知

詢覲顏而已南唐近事云義祖薨康王以下諸公子

謂周宗曰幸聞兄長家國多事宜抑情損禮無勞西渡

也宗度王非本意堅請報簡示信於烈祖康王以恩遠

為解宗袖中出筆復為左右取紙得故茗紙帖乞手札

以奔喪時用宋齊正議迎吳讓皇都金陵繕府治為宮

馬步都虞候蔡弘業爲宮城營奉使徙都統府於古臺
城使都教練使孔昌祚營之都統府城凡二千四百間
環一千五百步烈祖已徙居且迎讓皇宗請閒曰若主
上西遷公當東駕勞費方始怨嗟將日聞矣烈祖納之
託歲不利而止自是宗益預議論齊王始忌之一日烈
祖臨鏡理白鬚太息曰功業成而吾老矣奈何宗適侍
側悟微指乃請如廣陵諷讓皇以禪代亦請諭齊王齊
王心忌大議自宗發及將還留與飲而遣騎以手疏切
諫烈祖大悔懼後數日齊王馳至金陵爲險語動烈祖
請斬宗謝國人烈祖將從之徐玠固爭乃已但黜宗爲
池州副使玠乃與李建勳等言天人之望已集密定大

計復召宗還舊職

五國故事曰宗入內室與夫人同席而飲後使宗知鹽鐵務家遂大富官

中至侍

烈祖受禪宗職進至內樞使同平章事遷侍中時

以樞密爲內樞猶避吳武王諱也烈祖常召宗及宋齊

正馬仁裕宴於崇英殿歡燕道舊爲樂他將相莫預然

待宗尤親厚不甚以職務嬰之宗亦能畏遠權勢居家

節儉俸賜皆積不用

馬書曰宗連歷將相奉法然貴

故

齊正黨雖日譏之不能害久之乃罷爲江州節度使有

俞文貞者早遊烈祖幕府宗及馬仁裕皆趨走執事左

右及宗出鎮文貞仕宦踴躍猶爲其州巡官方旅見輒

越次問曰馬押衙亡恙宗曰馬相公已鎮廬州文貞顧

同列匿笑而退他日預公宴宗勸以酒文貞俛首曰下

官小戶令公所熟知也聞者大駭而宗怡然不動其寬
厚如此徙宣州節度使入覲賜宴元宗親爲搢襪頭腳
以表殊禮復出留守東都請老以司徒致仕歸金陵馬書
載詔曰崧嶽降靈誕生良弼佐我先朝施及朕躬尙賴
保釐底於成績昔蕭何守巴蜀高祖無西顧之患寇恂
守河內光武無分民之嫌今任公以何恂之事宜強飯
扶力以副朕意於嘻國之安危惟茲淮甸慎始成終非
公而誰所講宜不允馮延魯代爲留守會周陷廣陵延
宗以老病三表乃許
魯自髡而逃見執於周人束縛桎梏僅免死王國故事
曰宗阜於
財每自淮上通商市中國羊馬及世宗謀渡淮乃使軍
人蒙一羊皮執一馬僞爲商旅渡浮橋而繼以兵甲遂
入臨時人益以宗享福終始爲異俄宗病卒年七十餘
宋齊正時以太傅奉朝請撫其棺哭曰君太黠來亦得
時去亦得時元宗聞之不平宗二女皆爲後主后馬書
曰鳴

平貴賤時也上下分也況生亂世事偏國易牛衣以晝
錦起徒步爲朱輪達者觀之特戲事爾文貞之抗周宗
豈足識此

徐鍇字楚金會稽人父延休

青箱雜記曰延休博物多學嘗事徐溫爲義興縣令

縣有後漢太尉許核廟廟碑即許劭記歲久字多磨滅開元中許氏諸孫重刻之碑陰有八字云談馬彌畢王田數七時人不能曉延休一見爲解曰談馬言午言午許字彌畢石卑石卑碑字王田乃千里千里重字數七是六一六一立字此亦字德文風度淹雅故唐乾符中楊修辨釐日之比也

進士昭宗狩石門無學士草詔延休來調官適在旁近

逆旅左右言其工文辭即召見命視草昭宗善之及還

長安不得用梁蔣玄暉辟爲其佐

唐書曰玄暉者少賤不得其系著事朱全

忠爲腹心昭宗東遷玄暉爲樞密使帝駐陝州衛家言星緯不常且有變宜須東幸洛帝度全忠必篡命衛官高瓌持帛詔賜王建告以脅遷且言全忠以兵二萬治洛陽將盡去我左右君宜與茂貞克用行密同盟傳

徽襄魏幽鎮使各以軍迎我還京師又詔全忠后方
 須十月乃東全忠知帝有謀遣寇彥卿趣迫天子不
 已遂行抵穀水全忠盡殺左右黃門內園小兒五百
 悉以汴兵爲衛初全忠至鳳翔侵邠州節度使楊崇本
 降質其家崇本妻美全忠與亂故崇本怒至是遣使者
 會克用茂貞南告趙匡及建同舉兵問劫遷狀全忠
 大懼帝自出關畏不測常默坐流涕玄暉與張廷範內
 謂必以告全忠全忠恨帝無傳禪意謀弑以絕人望因
 令其屬李振諭玄暉玄暉與龍武統軍朱友恭氏叔琮
 夜選勇士百人叩行在言有急奏請見帝宮門開門留
 十士以待至椒蘭院中夫人裴貞一啟關殺之乃趨殿
 下玄暉日上安在昭儀李漸榮曰院使毋傷宅家寧殺
 我士持劍入帝聞遽單衣走環柱遂弑之漸榮以身蔽
 帝亦死復執后求哀玄暉以全忠矯遺詔言帝夜與昭
 后明日宰相請對曰晏不出玄暉矯遺詔言帝夜與昭
 儀博爲貞一漸榮所弑出二人首全忠自河中來朝振
 日晉文帝殺高貴鄉公歸罪成濟今宜誅友恭等解天
 下謗全忠趨西內臨對嗣天子自言弑逆非本謀皆友
 恭等罪因泣下請討罪人是時洛城旱米斗值錢六百
 軍有掠糴者都人怨故因以悅眾執友恭叔琮斬之全
 忠邀九錫玄暉自持詔趨汴言之還洛不淹日全忠矯
 詔收付有司車裂之貶爲逆百姓焚尸都門外全忠矯

代史曰遣朱友恭氏叔琮等行弑昭宗崩又曰
二年遣將玄暉殺德王裕等九王於九曲池又曰天子
卜祀天於南郊王怒以爲將玄暉等欲祈天以延唐祚
天子懼十二月天子以王爲天下兵馬元帥王益怒遣
人告樞密使蔣玄暉與何延休棄去依鍾傳於洪州吳
太后私通殺玄暉而焚之
取江西得延休仕至光祿卿江都少尹卒九國志曰延
吳將祀南郊以爲南簡使於是法物始簡又曰李昇
輔政庶事詳悉因謂延休曰徐鉉字鼎臣揚州廣陵人也
不復也二子鉉十歲能事略曰徐鉉字鼎臣揚州廣陵人也
省也二子鉉十歲能事略曰徐鉉字鼎臣揚州廣陵人也
徐仕吳爲祕書郎又事南唐爲知制誥與宋齊丘不協
坐洩機事貶泰州司戶召歸故自又坐專殺流舒州周
世宗南征李景從饒州召爲太子右諭德復知制誥遷
中書舍人景死事其子煜以爲禮部侍郎通知中書省
事歷尙書左丞兵部侍郎翰林學士御史大夫吏部尙
書王師圍金陵煜遣鉉朝京師求緩兵語在李煜傳太
祖以禮遣之後隨煜至京師太祖責之鉉對曰臣事江
南國亡不能死臣之罪也太祖歎曰忠臣也給事中出
率更令太平興國初置學士院從征太原加給事中出
爲左散騎常侍二年以廬州尼道安訟其弟與婦姜氏

不養母姑姜氏鉉妻之甥且誣鉉與姜姦鉉坐貶靜難
行軍司馬道安亦坐告姦不實抵罪鉉初至京師見披
毛褐者輒哂之邢州苦寒終不釋毛褐冷氣攻腹而卒
年七十六鉉恬淡無矯僞不喜釋氏而好神怪有以此
獻者所求必如其請李穆常使江南見鉉及其弟錯文
章歎曰二陸不能及也錯仕江南北尺牘爲史舍人而卒鉉
好李斯小篆尤得其妙隸書亦工尺牘爲史舍人而卒鉉
皆珍藏之有集三十卷又有質疑論稽神錄行於世至徐
道二年復左散騎常侍無子元平原陸友墨曰此價他
鼎臣兄弟工翰染崇飾書具書出一月國老談苑曰徐鉉
三萬江左士人好事無及之者許氏說文一部徐鉉
邠州年七十手不釋卷常親寫天地母說文一而卒
誤一曰鄴罷命紙大書曰道者南入汴居五龍堂側宜
齋老學叢談曰徐常侍鉉自江南入汴居五龍堂側宜
徵角賦士遇內宴必先習於其中一日賦鉉笑曰此諸
外喧甚遣童視之回曰白單常侍習角賦鉉稱常侍可
僚難與接惟也蓋鉉與諸角賦士皆稱鉉笑曰此諸
鉉至汴市宅以居後見宅主貧甚鉉曰得非售宅虧價
而不至耶余近撰碑獲潤筆二百千可償爾矣其入
辭不受亟命左右輦付之儒林公議曰江南徐鉉歸
朝儒筆履素爲中朝士大夫所重王溥王佑與之交款
李至蘇易簡咸師資之李穆尚書有清識嘗語人曰吾

觀江表冠蓋若中立有道之士惟徐公近之耳平居自
 奉寡時王師已圍建業後主欲命使於交兵之閒左
 多矣時王師已圍建業後主欲命使於交兵之閒左
 右咸有難色鉉乃詔鉉行後主撫之泣下曰時危臣節
 汝有之矣後太宗乃詔鉉行後主撫之泣下曰時危臣節
 朱非人謀之及太宗謂其隱惡又其國乃直筆也直
 誅鉉深毀短之所知者謂其隱惡又其國乃直筆也直
 山野錄曰太宗克復江南北取文臣徐鉉不獲通今古
 秘閣奏曰請於前左足求之須臾果得以進亟召鉉問
 鉉曰象鴈隨四時在足今方二月故臣知鉉在前左足也
 對曰象鴈隨四時在足今方二月故臣知鉉在前左足也
 朝士皆歎其博識在足今方二月故臣知鉉在前左足也
 著書已多亂離散失十不收一錄二傳者止文集二卷
 方成童鉉於水濱忽一狂道士醉叱之曰吾戒汝只
 金魚廟何得竊走至此以杖將怒擊父母亟援之仍
 目怒視曰金魚將遷廟於那他日捷於廟亦未晚因不
 見後果謫官於那遂斃無子他日捷於廟亦未晚因不
 善小篆映日視之畫無偏折處心乃有一縷環墨正當
 於曲折處亦當中之無偏折處心乃有一縷環墨正當
 在畫中此用筆之法也鉉常自謂筆鋒直下始得鵝
 法凡小篆喜瘦而長鵝扁之法非老筆不能也鵝
 大西山記曰又十里至鸞岡三徐葬其旁三徐者南唐

衛尉卿延休及其子內史錯騎省鉉也卒於邢州門人
胡仲容爲之歸葬於此岳珂程史曰國初三徐名著
江左皆以博洽聞中朝而騎省鉉又其白眉者也會修
述職之貢騎省實來及竟例差官押伴朝臣皆以辭令
不及爲憚宰相亦難其選請於藝祖玉音曰姑退朝朕
不自擇之有頃左瑤傳宣殿前司具殿侍中不識字者十
人以名入宸筆點其中一人曰此人可不在廷皆驚中書
不敢請趣使行殿侍者慌不知所繇薄弗獲已竟往渡
江始燕騎省詞鋒如雲旁觀駭愕其人不與之騎復者亦
騎省巨測強貼而與之言居數日既無與之騎復者亦
勳且默矣余按當時陶寶諸名儒端委在朝若使角辨
聘詞庸詎不若鉉藝祖正以大國之體不當如此爾其
亦將不戰屈人兵之計策歟其後王師征包茅於煜騎省
復將命請緩師其言果數千言上諭之曰不須多言大江
南亦何罪但天下一家臥榻之側豈容他人鼾睡耶大
哉聖言其視騎省之辨正猶螢之側豈容客他入鼾睡耶
甚著三徐者近世或概爲昆弟余嘉定辛未在故府樓
宣獻鑰嘗出手編辯衡圖三墓余謝不前考後讀周文
忠必大遊山錄有衛尉卿延休騎省鉉內史
錯蓋父子甚明而余已去國不復得請益云

錯遂家廣陵錯四歲孤母方教鉉就學未暇及錯錯白

能知書稍長文詞與鉉齊名昇元中議者以文人浮薄
多用經義法律取士錯恥之杜門不求仕進鉉與常夢
錫同直門下省出錯文示之夢錫賞愛不已薦於烈祖
未及用而崩元宗嗣位起家祕書郎齊王景達奏授記
室時殷崇義爲學士草軍書用事謬誤錯與鉉竊議之
崇義方得君誣奏錯泄禁省語貶烏江尉歲餘召還授
右拾遺集賢殿直學士論馮延魯有罪無才人望至淺
不當爲巡撫使重忤權要以祕書郎分巡東都然元宗
愛其才復召爲虞部員外郎後主立遷屯田郎中知制
誥集賢殿學士改官名拜右內史舍人賜金紫宿直光
政殿兼兵吏部選事與兄鉉俱在近侍號二徐初錯久

次當遷中書舍人游簡言當國每抑之錯乃詣簡言簡言從容曰以君才地何止一中書舍人然伯仲並居清要亦物忌太盛不若少遲之錯頗怏怏簡言徐出妓佐酒所歌皆錯詞錯大喜起謝曰丞相所言乃錯意也歸以告鉉鉉歎息曰汝癡絕乃爲數闕歌換中書舍人平錯凡四知貢舉號得人後主哀所製文命爲序馬書曰錯著質論十餘篇後主札批其首君臣上下互爲賁飾士以爲榮錯酷嗜讀書隆寒烈暑未嘗少輟後主嘗得周載齊職儀按周載史皆無傳齊職儀五十卷皆注齊長水校尉王珪之撰又隋唐載齊職儀五卷注徐勉撰而不言周載宋經籍志內亦無此江東初無此書人無知者以訪錯條對無遺既久處集賢朱黃不去手非暮不出堯山堂外紀曰常少精小言集賢院御吾家

學故所雋書尤審諦每指其家語人曰吾惟寓宿於此

耳江南藏書之盛爲天下冠錯力居多後主嘗歎曰羣

臣勤其官皆如徐錯在集賢吾何憂哉宋李穆來使見

錯及鉉歎曰二陸之流也

事物紀原云南唐徐氏二麓蓋謂鉉與錯也

嘗夜

直召對論天下事因及用人才行孰先後主曰多難當

先才錯曰有人才如韓彭而無行陛下敢以兵十萬付

之乎後主稱善時國勢日削錯憂憤得疾

天下名勝志曰初鉉以直

諫被逐池州錯思念涕泣至於失心其母請於後主曰

法有兄弟願令錯與鉉俱貶以緩其疾李主哀之爲召

鉉還而錯已昏瞶不識人猶記兄背上有

黑痣發衣捫之遂抱慙其悲號哭幾絕謂家人曰吾

今得免爲俘虜矣十四年七月卒年五十五贈禮部侍郎謚文著說文通釋四十卷方輿記一百二十卷古今

國典賦苑歲時廣記

揚州府志又載說文解字韻譜十卷宋史藝文志錯有集十五卷

及他文章凡數百卷錯卒逾年國破遺文多散逸

談苑

南時吳淑為校理古樂府中有謄字淑多改為操字蓋章草之變錯曰此非一例言若漁陽謄者三揭鼓也福衡行漁陽揭鼓歌云邊城晏聞漁陽謄黃塵蕭蕭白日暗淑歎服又後主忠清暑閣前草生錯令以桂屑布甌縫中宿草盡死謂呂氏春秋桂樹之下無雜木也記曰錯有後居金陵攝山前開茶肆號徐十郎有鉉錯話救備存甚多入朝初授官詰云歸明人偽銀青光祿大夫守太子率更令云云知內史乃江南宰相也銀青光祿存其階自也

查文徽

唐餘紀傳曰字光慎

歙州休寧人幼好學能自刻苦手寫

經史數百卷稍長任氣好俠聞人困乏雖不識必濟之

家本富坐是窮空不悔也或遺以金帛一夕盜盡取去

文徽不言雖鄰里莫知者久之盜敗於旁邑移文訊驗

人始知之咸推其量烈祖輔政初入謁烈祖召與語倖

其論宋齊正亦稱薦之以附餘紀傳曰初善陳覺因覺徐

知謬謫浙西以文徽爲判官或獻玉杯知謬喜酬以錢

百萬逕開宴出杯行酒至文徽偶墮地碎一坐皆驚而

文徽自若烈祖受禪人爲監察御史徐鉉水部員外郎

侍御史知雜制曰敕秦漢以御史掌門方之記我朝以

雜端正百官之邪其名則同所職實重副是顯選其惟

通才某官查文徽克負美名早從交辟尋陟郎署升爲

王臣法獻之難俾其參決而察情無不當持議無不平

俾止絕濫刑不知恥格率是弊用使持憲綱在能振舉

霜威肅清朝序爾其直躬而處眾正色以當朝糾謬繩

愆無或顧避哉明元宗立進諫議大夫中書舍人樞密

副使徐鉉知雜御史查文徽可起居郎樞密副使制曰

並居二職其可非才某官查文徽儒雅表文忠厚成質

早踐華實時爲名臣以南宮清望之資當憲府雄極之

任提綱有序而眾目以理正身自處而周行以清物論與之予用嘉尚居中理極不亦可乎噫爲朕腹心注人耳日執節一解悔咎隨閩主延義與其兄延政相攻延之爾其顧之無忝吾命

政以建州建國稱殷延義爲其下所殺推立大將朱文進元宗欲討文進文徽以爲延政首亂當先致討有翰林待詔臧循者與文徽同里巷少嘗爲賈入閩習知其山川險阻爲陳進兵之策文徽本好言兵遂請行元宗乃以爲江西安撫使令至境上審觀可否文徽銳於成功至上饒復命盛言必克詔發洪州屯兵以邊鎬爲將從文徽攻建州建人厭王氏之亂伐木開道迎我師行次葢竹遇建州兵至又聞泉漳汀州皆歸延政懼退保建陽時臧循亦爲別將屯邵武延政襲破之獲循斬於

建州軍聲大剋元宗遣何敬洙等來援敬洙鎬與建州

兵相持文徽得建之降將孟堅使潛師出其後擊之建

州兵大敗潰去遂傳其城雖下建州沈括夢谿筆談曰

大將章某守建州城嘗遣部將刺事於軍前後期當斬

惜其才歸語妻妻連氏有賢智私使人謂部將曰汝法

當死急逃乃免與銀數十兩日徑行無顧家也部將得

以潛去投江南李主以隸查文徽麾下文徽攻延政部

將適主是役城將陷先諭城中能全連氏一門者重賞

連氏使人謂之曰建民無罪將軍幸救之妾夫婦罪當

死不取圖生若將軍不釋建民妾願同百姓死誓不獨

生也詞氣感慨發於至誠不得已為賊兵而入一城獲

全十國春秋曰仔鈞屯成浦城西巖山會南唐將盧

某假道過山下忽鼓譟攻壘仔鈞堅守弗與戰遣二枝

乞援師於建安及兵退二枝失期不至將斬之妻練氏

止之曰時危未靖奈何殺壯士仔鈞曰如廢法何練曰

法固不可廢不若縱之使自逸耳仔鈞悟置不問或云

二枝邊鎬與王建封也建寧府志曰章仔鈞補城人

甘貪好學天祐中王審知據福州謙抑下士仔鈞撰三

策獻之審知喜薦於朝以為西北面行軍招討使嘗語

人曰吾觀章仔鈞寬仁子孫必有厚福卒贈太傅李
元綱厚德錄云太傅十三子其八子夫人所生也及宋
興子及弟至達自者甚眾餘五房無及第者
章鄭公得之父亦入房子孫出繼五房耳
律殺掠不禁民始失望有叛志矣元宗知而不問策功

遷撫州觀察使又拜建州留後由是文徽益自用時李

弘義

林禹吳越備史曰弘義本名達先據福州歸款金

陵金陵授之節鉞仍編入屬籍更名弘義既遣其

兵部侍郎陳覺使於弘義覺還及建州又遣侍衛官顧

忠以偽敕使入覲弘義以覺初下官命不從覺乃與監

軍使馮延魯自建州興師弘義乞師於我王遣將余安

率水軍救福州大敗唐師弘義歸我更名孺贊遣弟孺

贊請入覲從之忠肅王即位納賂胡進思言於王遣歸

任復貳於我謀歸金陵王命東南面安撫使鮑修讓推

城夷其族
微喜率劍州刺史陳誨赴之

馬書曰誨曰越人謨信未

乘其未定亟取之留誨屯江口

注云謨信無信也閩人語音
誨將舟師至福州城下

擊敗其兵執吳越將馬先進等三人文徽以步騎繼至
引義陽遣卒數百人出迎而設伏西門以待文徽傳令
徑入其城陷伏中大敗墜馬被執送錢塘將士死者萬
人青箱雜記曰王審知治城下有錢文惡之命劉去文
愈明又有謠曰風吹楊葉鼓山下不得錢來兵不罷
後福州軍校李仁福殺帥自立歸款江南既又叛江南
命攻之仁福又求救於錢塘比錢塘兵至而江南圍解
獲其將楊匡元宗遣使歸馬先進於吳越而求文徽吳
業乃其應也元宗遣還將發爲置酒置毒歸至金陵毒始作元宗使
越王遣還將發爲置酒置毒歸至金陵毒始作元宗使
醫視之醫以珠置口中有頃珠色變黑醫曰疾不可爲
然猶十年乃死文徽遂病瘖以工部尙書致仕朱元降
周坐親黨安置宣州卒年七十距遇毒之歲正十年云
諡曰宣子元方元規元素元範元賞元方事後主爲水

部員外郎吉王從謙掌書記從謙朝宋太祖命知制誥
盧多遜燕從謙於館多遜弈次顧元方曰江南竟如何
元方歛衽曰江南事大朝十餘年極君臣之禮不知其
他多遜推枰媿謝曰勿謂江南無人使還通判建州盧
絳據歙州傳檄至建元方立斬其使及絳平宋太祖聞
元方所爲大悅擢殿中侍御史知泉州卒官元方子道
羅願新安志曰查待制道字湛然與祖監陶同祖父元
方以蔭歷殿中侍御史道幼沈疑不羣罕言笑奉養以
孝聞母嘗病思鰾羹方冬苦寒市之不獲道泣禱於河
鑿冰取之得鰾尺許以饋母疾尋愈解褐館陶尉曹彬
鎮徐州辟爲從事深被禮遇改興元觀察推官寇準薦
其才授著作佐郎潭化中蜀寇叛命通判遂州有使兩
川者得道公正清潔之狀以聞優詔嘉獎遷祕書丞徙
知果州時寇黨尚有伏巖谷依險據柵者其酋何彥忠
集其徒二百餘止西充之大水槽鼓弓露刃詔書招諭
之未下咸請發兵殄之道曰彼愚人也以懼罪欲延命

須史爾其黨豈無誣誤耶遂欲服甲馬數僕不持尺刃
開關林壑百里許直趨賊所初悉驚畏持滿外衛道神
色白若踞胡牀而坐諭以詔意或譙之曰郡守也常聞
其仁是寧害我者即相率投兵羅拜號呼請罪悉給券
歸農不加賜袍帶咸平四年代歸上言曰朝廷命轉運使
副不惟審度金穀益以察廉郡縣庶臻治平以占和氣
今觀所至或匪盡公益無懲勸之科致有因循之弊望
貪猥者每使回日光令具任內留薦舉才識者若干奏
州會舉賢良方正之士李宗諤以為賞罰從之俄出知寧
史館出為京西轉運副使召入拜工部員外郎充度支
副使賜金紫出知襄州大中祥符元年歸直史館遷刑
部員外郎預修冊府元龜進龍圖閣待制與張知白孫
夷王蕃竝命焉加刑部郎中判吏部選事糾察在京刑
獄奉使契丹以久次進右司郎中真宗朝退之暇召馬
元講易使坐惟道與李虛己李行簡預焉天禧元年以
耳聾表求外任得報出官廩米振之及設粥糜以救
秋蝗災民歉道不候報出官廩米振之及設粥糜以救
飢者給州麥四千斛為種於民賴以濟所全活萬餘
人二年五月卒計開真宗軫恤之詔其子奉禮郎循之
乘傳往治喪事遷大理評事軾終制道性純厚有犯
不校所至務寬恕胥吏有過未嘗笞罰民訟逋負者或

出己錢償之當出按郡路側有佳棗從者摘以獻道即
計直挂錢於樹而去兒時嘗戲畫地為大第曰此當分
贍孤遺及居京師家甚貧多取親族之孤獨者祿賜所
得散施隨盡不以屑意與人交情分切至廢棄孤露者
待之愈厚多所周給初赴舉貧不能上親族衰錢三萬
遺之愈厚多所周給初赴舉貧不能上親族衰錢三萬
兄將醫女以襄事道父友呂翁家貧與之且為其女擇
加資遣又故人行卒貧甚其女婢止於人道為贖之嫁
極於卑儉嘗夢神人居多茹蔬或止正一食默坐終日
年六十四論者以爲積龍圖閣待制始徙家海陵純厚
善所延也有集二十卷龍圖閣待制始徙家海陵純厚
長者以文行稱道從兄陶羅願新安志曰陶字大鈞初
州錄事參軍歸朝太祖詔大理評事試以律學除太常
丞遷大理正歷侍御史權判大理寺緋衣銀魚斷官
仲禹錫訟陶用法非當陶抗辨得雪遷工部郎中俄出
知台州累遷兵部威平五年宋博為大理議趙文海罪
不當幸相請以陶代之真宗曰聞陶亦深文當加戒勸
幸相言當今熟法令少如陶比者遂遷祿書少監判寺
事時楊億知密刑院陶屢攻其失又命代之仍賜金紫
景德三年卒年七十洪之澤化三年歷任都管郎中遷

職方陶卒時詔錄其子前崑山縣尉慶及事後主國亡
之爲太常寺太祝慶之終太子中舍
入宋仕至祕書少監知審刑院與道尤極友愛自金陵
破士族流離多貧困失職惟道兄弟盡力收恤聚食常
數十百人得任子恩皆以與族人以少長爲先後無親
疏之閒異姓亦分俸給之時其婚姻由是常苦貧而查
氏至今爲海陵望族許國衛皆其後也

邊鎬金陵人

玉壺清話曰江南邊鎬初生其父忽夢謝

晉清神疎所披衣巾輕若煙霧曰欲託君爲父子頃奇

浙西飛來峰翻譯金剛經然其經流分中有未合佛旨

處願寄君家刊正無他祝慎勿以輩羶嗽我及七歲放

我出家爲真僧以畢前經夢託鎬生眉貌高古類夢中

者父愛之小字康樂成童聰敏攻文字盡苦夙誦堅求

出家其親不肯以輩迫之初不能食後亦稍稍及冠翹

秀鬢姻者眾親

少事烈祖爲通事舍人以通敏稱

強之而娶焉

玉壺清話

玉壺清話

玉壺清話

日後主愛其博雅屢用之保大初循州人張遇賢本羅
然而柔懦寡斷惟好釋氏縣小吏有神降於縣之刻杉鎮語人曰張遇賢非常人
當事我遇賢往視之會州境羣盜起各擁眾數百無所
統相與禱於神神又大言曰張遇賢汝主也遇賢遂稱
王江南野史曰遇賢作亂皆絳其衣時謂之赤軍子改元馬書曰改置百官度
嶺襲虔州五代史曰遇賢禱於神神曰遇賢是羅漢可
起未有所統問神當為主者神言遇賢遂共推為帥遇
賢自號中天入國王改元永樂羣盜皆絳衣攻剽嶺外
問神所向神曰當過節度使買浩閉門登陴不敢出遇
嶺取虔州遂襲南康賢據白雲洞眾十餘萬元宗遣洪州營屯都虞候嚴思
率所部討之鎬為監軍虔有書生白昌裕沈密有謀鎬
引與定計刊木為道襲白雲洞會遇賢所事神棄去不

復降語賊眾遂潰其裨將李台執之以降策功遷洪州營屯諸軍都虞候二年查文徽以樞密副使出師伐建州詔鎬爲行營招討洪撫饒信歙等州諸指揮都虞候從文徽行然眾纔數千戰敗退舍元宗聞之道何敬洙祖全恩姚鳳來援敬洙與鎬進兵奪其險要自崇安進次赤嶺與建兵方相持爲背水陣文徽使騎繚出建兵後與敬洙鎬夾擊大破之遂取建州降王延政復取漳州事平諸將皆爭功鎬獨無一言七年楚馬氏兄弟相攻希萼雖勝尤無道元宗知楚難方殷以鎬爲信州刺史領屯營兵兼湖南安撫使駐袁州萍鄉有警許便宜從事楚人果復廢立鎬自萍鄉帥師入潭州遷馬氏之

族及文武將吏於金陵資治通鑑曰竊趨馬希崇帥其

居金沙竊微陋曰國家與公家世為仇敵殆六十年然

未嘗敢有意窺公之國今公兄弟闕困窮自歸若復

二三恐有不測希崇無以應與宗族及將佐千餘人號

慟登舟送者皆哭響振山谷又曰先是南唐欲取湖

南以竊多藝使詐為僧遊長沙弄鐵行乞遇城恆擲起

鐵度門高下得其虛實先是長沙有童謠曰鞭打馬走

不暇未幾果為邊竊所滅唐餘紀傳曰希崇以見伐

也謀拒我師或諫以事必不濟不得已率弟姪輩出降

竊下馬稱詔勞之已而希萼亦遂拜漳州節度使南漢

來見竊以禮遣希崇希萼入朝將潘崇徹攻郴州竊出兵爭之敗績遂失郴州竊懼南

漢寇邊未已請除道全二州刺史詔以廖偃為道州刺

史張巒權知全州然湖湘之憂實不在南漢也自馬氏

廢立以來帑藏空竭土地既歸我資治通鑑曰時唐悉

粟乃至舟艦亭館花果之美者皆徙金陵馮延巳為相矜平楚功不欲取費

於國專掎歛楚人以給經費人心已離鎬柔而無斷日
飯沙門希福馬書曰初平建州凡所尅獲唯以全活爲
肆楚人益喜號邊善薩既而政出多門荏苒無斷人皆
失望遂號邊和尚三楚新錄曰鎬非將才每出皆載
佛而行祝以請佛由是二軍解體江西新建縣普賢紀
寺有鐵像高丈餘重二十萬鎰爲袁州刺史時所造紀
綱頽弛不之問初咸師朗來歸資治通鑑曰漢淮北郡
神衛都虞候皇甫暉等將兵萬人出海以所部爲奉節
泗招納之蒙城鎮將咸師朗等降於唐
軍從鎬入楚廩給薄於楚之降卒偶語怨望而糧料使
王紹顏每給奉節糧輒刻削之軍校孫朗欲殺紹顏紹
顏匿困下得免官屬請斬紹顏以謝將士鎬不聽朗乃
謀殺鎬及紹顏據湖南歸中原夜率所部取草燒府門
火輒不發良久傳漏者覺之以告鎬出衙兵與鬪勝負

未決鎬命吹角亂兵朗等以為將旦亟斬關奔朗州盡
以潭州虛實告劉言資治通鑑曰孫朗等奔朗州王逵
屢捷淮南兵易與耳今欲以朗州之眾復取淮南可乎
朗曰朗在金陵數年備見其政事朝無賢臣軍無良將
忠佞無別賞罰不當如此得國存幸矣何暇兼并
朗請為公前驅取湖南如拾芥耳達悅厚遇之言久
懷叛志得朗言大喜遣其將王進達周行逢來攻資治通鑑
曰唐召劉言入朝言不行謂王達曰唐必伐我奈何達
曰武陵負江湖之險帶甲數萬安能拱手受制於人邊
鎬撫御無方士民不附可一戰擒也言猶豫周行逢曰
機事貴速緩則彼為之備不可圖也言猶豫周行逢曰
陵首豪王逵劉綬等十數人乘時舉兵數日而有入
千之眾行逢與馬部眾兼行遇夜奄至城下鼓噪斬門
而入其時鎬軍驛勝士卒解甲不復防禦又昏黑之際
忽聞兵入倉卒驚駭計無所出皆束手就戮遲明死者
十有八九鎬以單騎鎬亦備言已而聞人謂忠順信之
逃走於是遂據其境鎬亦備言已而聞人謂忠順信之
及言兵已拔益陽遂夜棄城出奔列城皆潰盡喪楚地

坐削官流饒州而他將棄城者皆斬湘中謠言馬去不用鞭至是驗十四年周師大入齊王景達爲元帥出兵援壽州起鎬爲大將戰敗被執世宗命爲右千牛衛上將軍及元宗割淮南地請盟乃歸鎬卒於金陵

南唐書注卷五

南唐書注卷六

宋陸游撰

祥符周在浚雪客注

周柴何王張馬游刁列傳第三

周本舒州宿松人漢南郡太守瑜之後瑜葬宿松即墓
爲祠子孫居其旁者猶數十家本少孤羈貧有勇力常
獨格虎殺之吳武王起隸帳下勇冠三軍每奮躍先登
攻堅摧鋒蒙犯矢石身無完膚戰罷輒自燒鐵烙其創
食飲言笑自若累遷至淮南馬步使武王取江西撫州
刺史危全諷率諸州兵十萬來爭其地五代史曰全諷欲舉兵錢鏐適
送吳故將王茂章於梁道過全諷請見其兵全諷陳兵
與茂章登城望之茂章曰我素事吳吳兵三等如公此
眾可當其下將耳非益兵十
萬不可而全諷終以此敗
屯兵象牙潭楚人圍高安

以援全諷江西守將劉威警書至

按威愼縣人楊行密表為廬州刺史累官

鎮南節度使

武王謀可將者判官嚴可求薦本時本從軍取

蘇州不能下

資治通鑑曰乾寧五年三月周本救蘇州為兩浙將賴全武所敗九月全武攻蘇州

城中及援兵食告盡刺史臺濠及李德誠等棄城走援

兵亦逐全武遂陷蘇州追周本於望亭五代史周本戰

於白方湖本敗蘇州復入於越

恥之稱疾臥家可求自往強起本本曰

吳門之役非賊果強徒以我將帥權輕下皆專命故無

功今必見起勿用偏裨乃可許之得精卒七千晨夜兼

行武王初命解高安圍本曰楚人非欲下高安第為全

諷聲援爾今先敗全諷楚人必棄高安走何足擊哉乃

馳至象牙潭急擊之大破其軍擒全諷

資治通鑑曰危全諷在象牙潭

營柵臨谿互數十里本隔谿布陳先使羸兵營諷全諷兵涉谿追之本乘其半濟縱兵擊之全諷兵大潰自相

疎藉湖水死者甚眾本分兵斷其歸路擒全諷及將士
五千入釣磯立談曰本直擣象牙潭突其壘疾攻之
全諷少其眾且笑本率易殊不願答本先遣勁卒穿出
其後乘高疾呼撫人大崩矢石未及接爭赴水以死本
建大將旗鼓徐驅而薄之全諷楚人亦逐吉州刺史彭
玕資治通鑑曰玕本赤石洞蠻酋鍾傳用爲吉州刺史
玕後傳子匡時代立爲淮南將秦裴所虜玕請降湖南
楚王殷表玕爲郴州刺史梁之際天下阻兵遂以門籍爲
廬陵人少好學道經唐梁之際天下阻兵遂以門籍爲
羣胥有大志常快俠不樂於吏事每自肆坦不從職務
時曹皆鄙之一旦吏酉李氏因私命倩屬燕飲而玕不
之召自往赴之見數十輩已會久之李不具饌玕知其
忌已遂去僞遺其席帽行數里乃復往見其宴飲知
玕乃含笑取帽而去歎曰大火當取富貴列鼎俎何
必狎此鼠輩而聚飲啜乎其婦聞之曰請以箱簾之資
易酒饌以致報何歎恨之有玕從之乃召李氏主客告
至酒酣謂眾曰玕不謫不能從事於諸君請自此決
退耕於農矣既歸鄉里有山名王嶺遂破家鬻產治鐵
爲兵宰牛練楮爲甲冑與兄弟唱召義師以自衛鄉黨
爲名得勇力無賴五百餘人玕乃建立偏裨與約號令
聞於郡縣守宰未能禁未幾潭盜數千攻剽撫州雖鍾

傳都督江西入郡不能制禦時南城人危全諷兄弟亦
起義帥結連玠併攻之斬其賊酋盜奔潰傳聞其勇
敢不獲制之遂表全諷爲撫州刺史玠爲吉州刺史玠
歸本郡乃廣城池務農耕禁人賭博時有數卒爲竊玠
乃斬之於市而以令眾庶玠欲報李使人誘之博於其
家李未之知遂圍之盡誅其妻孥數十口其偏裨將校
袁大蟲等十數眾因私言曰使君今已位重者賴吾等
力成其功而諸將並無分祿之地玠竊聞之因雪寒伏
甲於幕下夜會諸將並宴樂酒醉因盡殺之及楊行密
據有江淮而鍾傳死南昌已歸順玠乃強項不從慮勢
孤弱使通好潭州楚穆王爲援因與危全諷及信州危
仔昌虔州盧覽于等數州聚兵下攻方譚爲本所敗退走
遣大將周本征之玠等逆戰於象牙潭爲本所敗退走
乃使兄弟立寨於新淦二十里風岡拒之時寨中得玉
筍山道士劉守真能驅鬼神每與兵掠寨劉則嘆水調
角風雨電雷倏忽而起吳將旣先誅戮無以禦敵乃拋
戰不利棄寨而還玠夙將旣先誅戮無以禦敵乃拋
退保朱川遂連馬氏因盡掠百姓口幾千餘家入柳
衡馬氏以玠爲郴州刺史兄弟皆莅縣邑迨十年而玠
死因鄉酋龍寶光裂裳爲旗夜呼內外曰有欲返江南
者請從此行凡得數百戶迨千餘人以歸其副使發兵
數百遮之寶光乃帥兵壯執大斧長刀臨水拒之與戰

追兵而還至今王嶺風岡寨坵存焉及馬氏歸順江南
使掘其墳陵惟見大蛇長二丈許口信州刺史危仔昌
未開遂殺之牙亦死一本牙或作牙信州刺史危仔昌
吳越尚史曰仔昌無州南城縣人任新撫德信四州刺
史淮南節度使檢校太傅奔於我武肅王禮以賓席惡
其本姓危乃更元因為錢皆棄城去江西始定本之初
塘郡宋元絳是其子孫
至也卽揮兵進劉威欲留宴稿不許或曰敵兵盛宜審
觀形勢本曰賊眾加我十倍使我兵知之未戰先奪氣
矣急乘其鋒用之乃可有功已果如所料武王奇其能
用爲信州刺史資治通鑑曰吳越兵攻信州信州兵繼
張虛幕於門內召僚佐登城樓作樂宴飲飛矢雨集安
坐不動吳越疑有伏兵中夜解圍去檣神錄曰本刺
信州時入觀楊都一夕遇私諱日獨宿外舍張燈而寐
未熟聞室中有聲視之見火鑪冉冉而上直抵於屋良
久乃下飛灰勃然明日浮埃覆吳越將陳瑋據衢州歸
物亦無他怪廣陵人傳爲異事

款吳越備史曰璋本周儒黨降於我以從征董昌功被
客軍張洪等疑懼與其黨三百餘人奔璋璋納之丁章
叛於永嘉州田頴使其下招之璋因假道而遣王闓
密使衢州羅城指使葉讓殺之其洩璋殺讓叛初王
命璋城衢州工畢以圖緣王王視西門梓樹謂左右曰
此樹不人城璋非越人圍之武王遣本迎璋越人解圍
吾藩也至是驗

出璋而列兵不動本遂以璋還裨將呂師造曰越有輕

我心必怠請擊之本不可

馬書曰吾受命迎陳使君陳君今在此吾事訖矣何為復

戰且彼近而不動必有以待我擊可勝乎

越人躡我軍

至中道宿夜半本陽驚棄輜重走而設伏於旁越人果

急追伏發前後夾擊盡殲其眾唐莊宗入洛吳遣司農

卿盧顥往聘還

資治通鑑曰蕞洛陽人吳主使蕞奉使

如所料歸言唐宗荒於游畋尚財拒諫內外皆怨

言莊宗知本名由是召為雄

武統軍俄出鎮壽州改廬州加安西大將軍太尉中書
令西平王本不知書然能尊禮儒士遇僚屬以禮士民
愛之性朴無他才惟軍旅之事若生知者烈祖將受吳
禪徐玠周宗等以本及李德誠名位隆重諷之使率羣
臣勸進本已昏老其子祚懼家禍代署表上之本初不
知猶謂所親曰我受吳室厚恩老矣復能推戴異姓乎
資治通鑑曰徐知誥以本位望隆重欲使帥眾推戴本
曰我受先王大恩自徐溫父子用事恨不能救楊氏之
危又使我爲此可乎其子弘祚強之不得已與德誠帥
諸將詣江都表吳主陳知誥功德請行冊命吳宗
室臨川王濛廢居歷陽聞將傳禪乃殺監守者與親信
兩人走詣本本卽欲出見之祚固執不可本怒曰我家
郎君也奈何不使我一見祚拒閉中門令外人執濛告

之濛遂誅死

馬書曰濛被殺吳室遂移本隨眾至建康勸進

本媿恨屬疾數月

卒

資治通鑑曰本以不能存吳媿恨卒又曰本既勸進歸歎曰吾不能誅篡國者以報楊氏豈能事二姓

乎憤惋而死

年七十七本晚好飲酒樂施子或曰公春秋高

宜少儲積爲子孫計本曰吾繫芒屨事吳武王位至將

相何人所遺乎既卒太常言準令廢朝三日烈祖以本

舊將命有司講求優典禮官言前朝嘗爲汾陽王郭子

儀廢朝五日詔用之謚恭烈葬給鹵簿

金鑑周氏家譜曰本初名延本

周匡子天祐初授行營應援使平危全諷轉百勝軍節度使加中書令西平王卒於南唐昇平戊戌謚恭烈夫

人陳氏封助子鄴鄴本長子也少驍勇每從其父征討國賢良太君子

本爲信州刺史略地至建州道經險阨被圍垂困鄴躍

馬救之手殺數十人翼本而出建人駭懼潰去事烈祖

與親軍出為滁州刺史暴猛很戾常蓄飛揚之志烈祖

以本故優容之南唐近事曰業為左街使刺史本之子

方潛飲人家醉不能起有聞上者上願親信施仁望日

率既往十人詣災所見其馳救則釋不然就戮於仁望

望望望之泊火息復命至便殿門會劉郎先服奔見仁望

仁望望之泊火息復命至便殿門會劉郎先服奔見仁望

災事仁望望之泊火息復命至便殿門會劉郎先服奔見仁望

遽排劉越次見上曰火不為災業誠如聖旨上曰戮之

平仁望日幾誤我事仁望自此大獲獎用業乃全恕聞

歷陽公楊濛被執歎憤逾月國人亦以此稱其好義本

卒後仕至廬州節度使安慶府志曰周業周本子勇略

講民閒疾苦貧接無虛日官至廬州刺史有惠重儒紳與

愛之青瑣高議云今巢湖古縣也南唐周業廟碑謂

漢末魏初之昇元六年卒馬書烈祖紀曰六年春三月

日城陷為湖昇元六年卒馬書烈祖紀曰六年春三月

周業為保信軍節度使留後又嗣裕卒以滁州刺史

主紀曰六年夏四月廬州周業卒

柴克宏父再用事吳有功柴再用汝陽人始名存隸孫

友有告小校反儒斬之並執存至詰何故反某者結為死

日與彼結死友反則同反耳公誅之復何問儒大奇之

都押衙勇敢善戰所向克捷果遷光州刺史朱全忠攻

淮南自申州抵光州使人謂再用曰光州刺史朱全忠拜

刺史不下且屠城再用嚴設守備及王威怒若先下壽州

伏甚恭日光州城小兵弱不足辱王威怒若先下壽州

敢不從命全忠留其城東旬日去及攻壽州不克渡淮

再用拔其後軍斬首三千級獲輜重萬計常破吳越將

張仁傑於魚蕩先登陷陣恢復東洲是日交戰再用舟

忽寢長稍浮之僅得濟家人為飯僧干人以交戰再用舟

用悉取以稿士卒日士卒濟我僧何力焉高祖建吳國

歷官馬軍都指揮使加德勝軍節度使兼中書令史官

王振詢其戰功日鷹犬微勞皆社稷之靈余何功之有

報不至德勝軍節度使克宏以父任為郎將為宣州巡

檢使初至城塹皆堙圯不治吏云白田頔唐書日田頔

合肥人略通書傳沈果有大志與楊行密同里約為兄

弟應州募屯邊遷上將行密據廬州頔謀為多攻趙錙

於宣州鎧出東籍乘暴流以逸阻水解甲謂追騎不能
及類乘輕劍追之鎧驚遂見途行密表類爲馬步軍都
虞候沙陀叛將安仁義奔淮南行密大喜屬以騎兵使
在類右兩人名冠軍中略常州殺刺史杜稜錢鏐方
屯潤州一夕潰會孫儒南略等屯丹陽儒火揚州壁
廣德類破其屯與戰類走行密怒奪其兵或勸行密曰
強敵傳墨不用類非計也行密復將類儒給仁義通好
以疑行密行密待益厚署行軍副使卒用此二人卽擒
儒乃表仁義爲潤州刺史類寧國軍節度使累遷檢校
太保同中書門下平章事仁義至檢校太保額已平馮
弘鐸至揚州謝行密左右求貲不己獄吏亦有不許額
曰吏覲吾入獄耶又求池歛爲屬州行密部將徐綰叛
將還杭州逐綰日吾不復入此是時錢鏐遣客何曉見
入杭州會稽綰屯靈隱山迎額額遣客何曉見徐綰叛
宜東保會稽無爲虛屠士眾也鏐日軍中小叛常然公
爲人長何助逆耶額攻北門鏐登城與語射中麾下額
築壘絕往來道鏐患之出金幣十舉募能奪地者陳璋
以死士三百免冑馳擊奪其地鏐授璋衛州刺史額攻
城未克鏐將濟江絕西陵爲鏐將所卻國益急是行
密欲女鏐子鏐乃急遣元璩迎女且告行密日額得志
爲患必大請以子爲質願不從鏐輸錢二百萬人謂額
還我遣人代守宣州類願不從鏐輸錢二百萬人謂額

又請繆子元雅出質乃與綰引兵還然內怨行密與鏐
因移書曰侯王守方以奉天子無窮也東南楊爲大刀布
奔直漫終爲潤土不若順常賦願請悉儲峙單車以從
金玉積如阜願公上天子適足資敵爾於行密曰絕行密
行密答曰貢賦繇汴而達適足資敵爾於行密曰絕行密
大募兵反李神福曰行密將不爲用願遣其佐杜苟鶴
至汴通好全忠喜屯宿州須變行密以康儒在願所故
授廬州刺史以開之類怒族昇州劫刺史李福謂妻息
無地矣類與仁義連和攻鄂州行密召之李福謂妻息
厚養之類與仁義連和攻鄂州行密召之李福謂妻息
日類反此心腹疾宜速攻之類遣李舉詣書神福曰公將
家在終苟從我當分地以王答曰吾以舉於曷山始願將
上將終苟從我當分地以王答曰吾以舉於曷山始願將
王壇等以舟師躡福福後至吉陽破機兵於曷山始願將
神福軍半濟神福福後至吉陽破機兵於曷山始願將
死明壇復戰敗於皖口願乃自將來戰神福曰火賊棄
城而來此天亡也乃瀕水堅壁不出請行密以兵塞嶺
走道仁義焚東塘戰艦夜攻常州不克轉戰至夾岡立
二幟解甲而息追兵不敢嚮願陳舟蕪湖行密遣將王
茂章收潤州仁義以善射冠軍中當時稱朱瑾梁米志
誠弩皆爲第一仁義常曰志誠弩十不當瑾梁之一瑾

烈十不當吾弓之一人以爲然又其治軍嚴善得士心
戰卒數百豪傑不毀開門關先告所當中然後射之茂
章等不敗與角行密遣使謂曰吾不忘公功能自歸當
復爲行軍副使但不可處兵仁義欲降其子固諫乃止
行密召其將臺懷泣語曰人嘗告額必反我不忍負人
額果負我吾思爲將者非公莫可濛頓首謝率騎渡江
爲陣以行上笑其怯濛曰額宿將多謀備之何害與王
增等戰廣德濛以行密書遺增增將皆再拜氣奪濛麾
兵擊之增走神福既以不戰遺增增將皆再拜氣奪濛
湖聞增敗留精兵二萬屬郭行琮身走城濛之行爲狹
營小舍規者以爲才容二千人行琮輕之不復召兵與
黃池矢石始交而濛逐兵爭逐北遇伏額大敗召兵與
兵不得入行琮及增皆歸行密逐北遇伏額大敗召兵與
爪牙都身行琮及增皆歸行密逐北遇伏額大敗召兵與
奔城橋陷爲亂兵所殺年四十六其下猶關死戰軍潰
費額始以元權歸賊不勝輒欲殺之額母護免及鏐與
行密合額曰今日不勝必殺元權已而額母死傳首至淮
南行密泣下葬以庶人禮亦葬康僑還元權於杭額善
爲治資寬厚通利商賈民愛之善遇士若楊夔康輅夏
候淑殷文圭王希羽等皆爲上客文圭有美名全忠鏐
交辟不應額置田宅迎其母以甥事之故文圭爲盡力
變卿雖不足亢行密著弱賦以戒額不用行密使王茂

章穴地取潤州安仁義以家屬保城樓兵不敢登召李德誠曰汝可以委命乃抵弓矢就縛父子斬楊州市王茂章李遇相繼叛無敢爲守備者克宏嘻笑曰豈有是哉大加營繕後吳越兵至賴以得全積功遷泗州刺史罷歸爲龍武軍都虞候好施予不事產業故家常窮空然性豪舉博弈縱酒自若也時元宗自謂唐後規取中原復舊業羣臣多大言迎合主意克宏獨未嘗語及軍旅人亦不以爲知兵故不遷久之出爲撫州刺史時淮南交兵吳越伺閒來寇克宏乃請效死行陣元宗嘉之授右衛將軍遣與右衛將軍袁州刺史陸孟俊同救常州精兵悉在江北克宏所將纔羸卒數千樞密副使李徵古給戎甲皆朽鈍克宏言於徵古曰卒已非素練

得器械堅利猶可用奈何給此徵古嫚罵之見者皆忿
克宏知徵古狂生不足較怡然不少動至潤州徵古終
不快白召克宏歸以神武衛統軍朱匡業代之燕王弘
冀以爲克宏可任卒遣行克宏帥師至常州徵古猶遣
使趣其歸克宏曰吾計日破寇爾何爲者必錢氏所遣
姦人也命斬之使者曰受李樞密命來克宏曰李樞密
來吾亦斬之遂斬使者以殉資治通鑑曰吳越遣丞相
吳程督衢州刺史鮑修讓
中直都指揮使羅晟攻常州修讓等先成福州與程有
隙至是程抑挫之二人皆怨克宏至常州蒙船以幕匿
甲士於中聲言中書舍人喬匡舜使吳越今往迎邏者
以告程程曰兵交使在其間不可妄疑唐兵登岸徑薄
吳越營晟不力戰縱然後勒兵進大破吳越兵於常州
據程帳程僅以身免然後勒兵進大破吳越兵於常州
斬萬級獲其將數十人馬書曰常州有隋末陳杲仁祠
杲仁見夢於克宏曰吾與陰兵

助爾及戰有黑牛二頭衝突越兵克宏繼之大敗越人
俘賊甚眾克宏奏封果仁爲武烈大帝常州府志曰
果仁字世威晉陵人生梁太清朝舉進士仕隋官監祭
御史隋大業五年奉詔討賊平洞寇於長白山九年勦
樂伯通叛眾十萬累官銀青光祿大夫義寧間東陽婁
世幹叛果仁奉詔斬之拜大司徒沈法興置酒與李子
晉陵果仁娶於沈偵知其謀法興置酒與李子通謀據
其忠祠祀焉徐鉉武烈帝廟碑銘曰臣聞吳穹凝命
玄化下宰司契牧民之重所以報憂勤天時地物之妖
諸神道玉燭景風之瑞人覩災而懼因敗而成功妖所
以警安逸是以古之聖人覩災而懼因敗而成功妖所
正之勳偃武修文之業延洪光大有幽贊者焉故禹
或假靈於五將三門或取象於長庚北落奇怪恍惚歷
代有之然則潔粢豐盛崇名紀號欽明天意不顯陰功
元本政之大者也茲我后所以側身修德允濟時屯武
烈帝所以禦災捍患光騰帝服人神合應豈不偉哉惟
帝才冠生民道高振古登賢能於鄉老論昭穆於本朝
若夫忠孝文武之風信智行於鄉老論昭穆於本朝
凶靜亂之勤論道經邦之猷猷宮懸錫馬之寵忘身徇國
之節驚愚顯俗之奇固已炳燦丹青鏗鏘金石用能高
標名祀大庇蒸民犧牲玉帛敷有加於羣望備物典冊

禮遂釋於真王是知妙極無方數均不測告禱符於新
獨能雖通幽洞靈實聖哲之所務而問神語怪非典則
之牧先故陽摧而論蓋史臣之職也主上以功成弗處
無德不報增封進號厥有舊章乃下詔冊贈武烈帝備
名數遠也於是正南面之尊窮大壯之勢耽耽新廟奕
奕崇堂雒門兩觀之嚴左城右平之制龍旂鑾輅雲罕
軒懸兼三代之盛儀抗五郊之殊禮與夫周人革命止
陳玄牡之祈晉室主盟但用朱絲之繡報功之典不亦
盛乎常州刺史何重貴初領前軍獨當兗寇以忠貞為
甲冑以恩信為金湯首挫賊鋒力全鄆境雅頌垂示來
以時庸坐樹之風更成德讓皆足以光昭雅頌垂示來
雲後之君子知天命不可以智欺大福不可以力勝幸
災怙亂鬼得而誅肯盟姦好人將誰與覆車斯在殷鑒
匪遙類委土以爲師樹豐碑而紀事下臣奉詔謹勒銘
云玄功不宰帝德無爲化機冥運羣動交馳必有神道
鑒而降董之董輔德保我蒸民莫其爾極偉哉聞傑多藝
岳降祥配天輔德保我蒸民莫其爾極偉哉聞傑多藝
多才名馳八紘位重三槐祀典累慶運啟再造功宣二聖
樹俗畏軒臺洪惟我后積仁累慶運啟再造功宣二聖
金鑑在握璫璣以正陰陽既和人和神交應時災有數孰
克違斯靈命白天時能問之盜兵竊發玄貺冥期風雲
鼓蕩氣勵職夷蔣侯助順霍山啟道卑聽匪遠誠明則

到上日欽哉享茲昭告帝服加尊大名紀號多璽既平
連營既寧奕奕新廟崇崇百城民罔疵癘年斯順成庭
有備物時殷頌聲廟福何常惟人所擇稟信毀義特自
眾與力上帝不獨明神是殛勒石嚴祠敢告萬國

保大來邊事大起克敵之功莫先克宏者拜奉化軍節
度使復上疏請援壽春行至泰興發瘍數日卒國人莫
不痛惜謚威烈初克宏母自表其子可為將徵古抑之
母又言克宏有父風苟不勝任分甘孥戮元宗始用焉
及徵古誅死詔暴其罪亦以折辱克宏為言

何敬洙廣陵人幼遇亂吳將楚州刺史李簡

李簡上蔡人

密為親將會孫儒屯廣陵行密出兵拒之為儒所困幾
不得脫簡率敢死士百人拔行密出重圍有功歷官至
常州刺史累官武昌軍節度使加鎮西大將軍兼侍中
率徐知詢故簡婿也楓留簡視兵二千於金陵表薦
簡子彥忠代父鎮鄂州時知詰輔政不許知詢大怒曰
劉崇俊兄之親三世為濠州吾妻族獨不得武昌耶由

是漸與得之給事左右簡酷暴僕使小過率置之死不知詰異

少貸敬洙與其伍戲小廳下有持簡所寶硯過顧曰孰敢毀此敬洙時被酒奮曰死生有命何爲不敢奪硯擲石階上碎之翼旦簡聞硯毀命撿至皆謂必死簡妻素奇敬洙匿之堂奧旬日簡謂已逃亦不問會有烏逐簡噪避之隨至大怒曰恨何敬洙不在此敬洙善射故思之語未畢敬洙挾朱彈鐵丸拜於前起一發斃之簡大喜不復詰毀硯事有善相者簡使相諸子曰雖皆善然無及公者獨指敬洙曰此人殆過公簡益喜之

江淮異人錄曰

董紹顏能知人嘗詣簡簡出諸子示之時有平頭小兒何敬洙侍簡側紹顏曰諸子雖貴然不若此平頭也義祖鎮潤州紹顏在焉嘗問衙中語將校品第之有藍彥思者謂紹顏曰爾多言或中也紹顏曰郎君非善終者

彥思曰吾軍校死於事吾事耳何足言紹顏曰汝軍得死好鋒刃下後郡中火衙中亦爲備造貯水桶軍人因是持桶刀爲及長用爲軍校簡卒事烈祖爲裨將進天

亂彥思死焉

威軍都虞候建州之役爲行營招討長步軍都指揮使會查文徽進討敬洙堅謂閩地僻陋不足勞大兵文徽開譬之不得已行及平建州敬洙功最然以推王建封無吝色拜楚州團練使敬洙自以初事李簡於是州尤自感勵常微服遊里巷察民疾苦有科調輒先爲經畫民不知勞馬書曰會連歲出師楚州地當供億民不知勞亦敬洙爲之節度也坐聽事與賓佐譚讌民有訴事者立引見親自剖析曲直皆厭服而出保大八年楚朗州節度使馬希萼來附且乞師元宗命敬洙援之遷武昌軍節度使周人侵淮南命武安

軍節度使王進達領所部州師入江南境進達奉詔行
且遣部將潘叔嗣爲先鋒取鄂州長山寨殺三千人元
宗命敬洙清野入保敬洙出城除地爲戰場曰敵至吾
與兵民俱死於此丈夫豈能惴惴閉門自守耶會叔嗣
自長山回戈襲朗州進達狼狽去人重其決南唐近事
曰建隆初
敬洙自江西移鎮鄂渚下車日小亭中復見一烏顧何
而鳴柯曰昔全吾命得非爾乎乃取食物自置諸掌烏
翻然下食柯掌中清異錄曰何敬洙帥武昌時司倉
彭湘潔習知膳味就中脯腊尤殊敬洙微掌公廚郡中
號爲加鎮國將軍中書令後主嗣位以病足乞解官授
右衛上將軍芮國公致仕南唐近事作
太師致仕 拾全俸第門列
戟四年二月卒年七十七廢朝三日贈鄂州大都督左
衛上將軍諡威烈

王會廬州廬江人本名安少事吳武王王嘗臨戰升高
豕望敵安捧唾壺侍側左右皆注目前視忽有卒持稍
徑趨王莫能禦者會置壺於地引弓射之一發殪徐納
弓歿中復捧壺立色不變王喜撫其背曰汝器度如此
他日必富貴積功至袁州刺史烈祖伐吳用爲百勝軍
節度使虔州與嶺南地接南漢使往來節度使當燕勞
問遣而會故名犯漢王祖諱乃賜今名昇元五年卒年
七十三

張延翰字德華宋州陲陽人

馬書作
陽山人

故唐末任爲陝州

司馬從父愼思擢徐州留後延翰往省之告以北方將
亂欲避地江淮全家祀愼思是其言慨然遣之入吳爲

鹽城令有治績烈祖以平章事領江州封潯陽侯表延

翰為江州觀察巡官通判軍府事馬書作烈祖輔政以潯陽為封邑乃以延

翰為工部郎烈祖代吳入為侍御史判臺事張宣馬書

宣字致用少事吳為軍校隸大將柴裴裴愛人罷下諸

將化之惟宣頗肆暴戾劉從信圍虔州虔人乞師於楚

信遣宣及高審思分兵禦之及敗楚師累遷諸軍都虞

候徙為左街使皆嚴酷為理及鎮鄂州置地室以鞠罪

人罪無大小入無全者未幾境內大治道不拾遺會雪

中炭肆相鬪錄問之言市炭一秤而輕不及數宣使秤

之信然乃斬賣炭者梟首懸炭於市自是率以五十斤

為一秤無敢輕重時又有慮州帥張崇江人曰渠伊想

不知何許人帥廬州所為不法常入觀廬人曰渠伊想

不復來矣崇歸乃計口索渠伊錢明年又入觀聞有罷

府之議人不為實指道路相見者皆將鬚相慶崇歸又

徵垆鬚錢嘗為伶人所戲使一伶假為人死有遺當作

水族者陰司判曰焦湖百里一任作類崇亦不慚時

又有李德柔字子懷鄱陽人始為小吏善伺人私捕獲

亡命所至必得時曰為李貓兒累遷大理卿持法苛峻

獄有未成則以蓋席卷囚而倒置之死者甚眾德柔本

無學術安稱博學每呼馬爲韓盧染工爲伶倫然不附
姦佞善守職故終其天年初元宗欲置北寺獄德柔諫
曰世豈乏士乃俾闕豎得弄爲左街使恃功驕暴延翰
文墨耶議遂寢論者避之廷劾之強豪屏迹進禮部侍郎時未設貢舉士有獻書
論事者第其優劣選用烈祖悉以委延翰號爲精覈兼
選事務進孤貧吏不敢爲姦利元宗輔政謂人曰張君
議論公正處事悉有條理吾得傾心聽之由是六司綜
領殆徧時望歸重拜中書侍郎同平章事年纔五十餘
人猶以爲柄用晚屬疾益侵不復能治事烈祖以爲國
器方一意任之不許其去遣使勞問賜良藥旁午於道
卒年五十七贈太傅

馬仁裕徐州人唐北平王燧裔孫世爲武寧軍校仁裕

母方孕夢呼北平王來歸及生紫氣充庭數歲學兵法

通解若素習遇亂南奔事烈祖為昇州牙吏唐餘紀傳曰既長以

平賊隸先主左右與周烈祖領潤州仁裕監蒜山渡首

宗曹縱俱為先主親吏烈祖即日渡江定亂馬書曰義

聞朱瑾之亂馳入白之烈祖即日渡江定亂馬書曰義

烈祖將李章素善理與同六人當斬五人已斬次至章

厲聲曰四郊多壘而斬壯士耶時仁裕監斬壯其言聞

於烈祖釋之後累建功至虔州節度使為理嚴重禁戢

左右賓禮寮屬會周本卒移鎮廬州加中書令卒年九

十唐餘紀傳曰先主鎮金陵仁裕猶從幕府周宗啟

禪代宋齊立問之先主請斬宗謝中外先主將從之仁

裕邀徐玠共爭宗獲免因與玠定議決日行禪召宗復

本職且誦李德誠周本等勸進馬書曰烈祖以女妻

之是為興以功遷左領軍將軍歷楚州刺史右金吾衛

國公主大將軍烈祖代吳拜潤州節度使徙廬州為政寬簡廉

平甚得民心唐餘紀傳曰先主受禪心德仁裕等嘗宴

勤舊於天泉閣仁裕以舊恩特預禮數恩

命與本及李建勳等未幾復宴齊王及宗於崇
 英殿獨仁裕與俱道舊為樂他將相莫得預
 年卒於鎮門徐鉉唐故德勝軍節度使檢校太保同中書
 被萬物處其中者是為賢人功濟橫流讓其先者方稱
 君子施之則開物成務與廣業而同歸卷之則保族宜
 家垂令名於必大是以長沙失茂繁祉邁於三雄南陽
 賈復貞龍隆於四七歷代已降靡不由之迄於我朝則
 扶風公其人矣公諱仁裕字德寬其先扶風人子孫或
 從官於徐方今為彭城人也粵若萬邦作又益有佐禹
 之功因封受氏耆有卻秦之績公侯必復關西靡孟起
 之威文武未墜南郡被季長之德存乎譜牒無俟闡揚
 曾祖某祖某皆以鹵莽之氣當屯蒙之運不履王侯之
 事歸全父母之邦考某少負雄名為武寧軍裨將才高
 位下厥用弗昭累贈尚書右僕射傳曰有明德而不顯
 當代後必有興者故其餘慶集於我公惟公克稟粹靈
 風彰奇應方振而神脫協夢既生而異氣充庭宗族相
 驚閭里交慶識者謂之曰不意英物復鍾此兒天將啟
 之馬氏為不朽矣長而爽邁轉以博聞善無常師器以
 虛受乃皇國中否赤縣倫災戰國縱橫爭求策士孔門
 堂與半作家臣公負先見之明審擇君之義舉旗沛澤
 即授中涓定難京城仍參主簿而上方從歷試允懋臣

功經綸草味諸訪遺闕公親倚左右日奉謨猷能知四
望之爲且掌賓客之禮勞無伐善夙夜不離於公美則
歸君議論莫窺其際出入二紀懋肩一心車服以庸寵
祿來假乃升朝序乃掌禁師以佐領軍將兼總丞相之
兵衛中令惟一任眾惟睦推以恩信先之勤勞周廬既
嚴軍士以簡考績稱最帝用嘉之遷檢校司徒遙兼宿
州刺史夫千騎之長可以國功百城之權可以觀政中
外迭處抑惟舊章卽授楚州刺史本州團練使旬服之
際邦賦是繁長淮之衝戎爲奇急公奉陽王略遵舉詔
條人不易方計日而治徵爲右衛大將軍復領舊兵以
衛相府董齊之略有踰於初明年改右金吾大將軍以
扶風縣三百戶爲封邑執金之職歷代雄重縣祀虛位
公首居之內訓卻非之邑執金之職歷代雄重縣祀虛位
教無塵及上允聘內禪光啟建業寺府軍衛半存舊京
委公留臺右師俾率東夏卽遷檢校太保改右天威副
統軍進爵爲伯陝服從入公有力焉及參告類之僕益
光求舊之舉寵開幕府遙領徐方進封侯郡定食千戶
左輔之地王業所基藩屏京師惟公攸賴乃移使節往
鎮京口公慈惠著於郡國威德洽於士心由是齊人向
風葺年報政加同中書門下平章事鹽州節度觀察等
使自南北分隔戎華交馳合泥之郊常制衝要故有台
階之命以增外闕之威公於是謹斥埃壅號令習組練

之土則聲如飄颻嚴堡障之備則勢若山立虜不內犯
邊是以寧而察俗之方如南徐之理方當矢謨帷展薄
伐關河渡江之誓既陳斥謂之舟已具嗚呼良圖未展
早命不融春秋六十有三昇元六年閏三月五日薨於
廬州公署上省奏震悼廢朝三日卽用玄甲之數式擬
藏山之功給於官司臨以中使奉常以視履考祥之義
循貞心大度之美詳協公論易名曰匡卽以其年四月
七日備鹵簿儀衛葬於廬州合淝縣鄉里禮也公娶同
郡萊氏封彭城郡君麗穠李之華親采繁之職理內協
鶴巢之詠從貴有魚軒之華某年月日先公而逝嗣子
右弓箭庫使光庭東頭供奉官光祚閭門承旨光紹皆
稟義方無忝遺烈家承膏粱之後而恭順克允修職口
之閒而雅素自若君子謂扶風公其有後乎夫碑頌之
設有自來矣琬琰之細既垂於茗華盤盂之微又參於
警戒若乃道合天眷忠存王家累輔翼之功而鏡鼎之
報周闕享將相之賞而帶礪之誓弗渝時無間言沒有
餘位故其宗廟之紀金石之盟昭示來茲不可誣也小
臣不學奉旨刊文庶使計功稱德代遠而愈信披文相
質事久而彌芬峴首之懷靡盡昆吾之烈長存嗚呼哀
哉其銘曰益作朕虞實曰元凱崇基締業明德攸在維
趙於藩封移族改祚實刊山源長巨海因枝別代胥謂
來遷道德絳帳勤王跼爲流光襲祉映後昭前懷黃結

紫著簡成編誼發材英筆惟明懿鼎角膺奇翹文履異
 傳容汎愛入孝出悌運有屯蒙器無疑滯爰初發迹雲
 從潛泉濯纓履職捐翼中涓良驥處服忘歸在紱樞機
 言行無競維賢繼緒從君匪伊履屐勤步前爰周旋陛
 戟居國必問在身無擇帝授允諧肅肅乃丕績惟彼淮
 疆以撫吏維此京浙紆以邦畿封淮表浙惟惠推威概
 蘭在俗轍輿興思羣舒待理獫狁孔棘帝謂侯氏績服
 新恩式固兩猷惠此廬國乃陟台階俾藩於北龍旆四
 牡鉤膺鏤錫命服有煒光聲載揚獫狁有逝長城既嚴
 上儀象物下謠飛蝗梁木或顛通川有逝長城既嚴哲
 人永瘳像著雲臺風存遐裔輟春盡思瞻山隕淚信結
 殊俗悲深上只丹碑既刻烈鼎書動祁連不泯府器長
 存丕顯百代初烈祖左右小臣親信者惟周宗及仁裕
 惟子有臣
 任遇略等宗力贊禪代遂輔政後富盛冠一時仁裕資
 長者獨退安外鎮晚益貧窶不悔也卒年六十三諡曰
 匡仁裕有子文義馬書曰文義以廕授千牛備身建州
 之役隸祖全恩爲判官既下建州將吏皆入庫府爭
 取金貝文義獨取民籍歸幕故建雖經亂民皆安堵文
 義與有力焉遷贊善大夫卒子禹昌甫二歲妻朱氏大

將軍業女贖贈一無所受益其廉如此故能率其妻如此

游簡言字敏中建安人父恭

按游恭登唐進士第博學能文辭有名於世初爲鄂

州杜洪掌書記洪死歸吳署館驛巡官武義改元遷知制誥常奉命撰烈祖墓誌詞極體妥時輩稱之有小東

里集三卷廣吳駕部員外郎知制誥簡言少孤力學起東里集四卷

家祕書省正字烈祖鎮金陵以爲戶曹參軍典元帥府

書檄遷觀察推官

馬書作巡官

烈祖代吳爲中書舍人元宗

嗣位遷翰林學士禮部侍郎

馬書曰守職恭恪國家之事非其任者未嘗肯言

貞介不附權要元宗頗重其爲人命判中書省兼吏兵

部選事裁抑僥倖憎疾者眾選人邵唐試判不中上書

言簡言父恭嘗爲鄂州杜洪掌書記洪獎成朱溫篡弑

恭預其謀簡言逆臣子當斬請正國法元宗怒唐挾怨

忿謗讎決杖流饒州及淮南交兵吳越亦伺釁攻常州
執團練使趙仁澤歸於錢塘仁澤見吳越王責以敗盟
吳越王怒挾其口至耳方議遣使詰責吳越羣臣畏懾
莫敢往元宗以命簡言簡言不辭見其子孫爲千牛備
身將發拜中書侍郎未出境召還及遷都豫章立吳王
爲太子留西都監國以簡言爲輔簡言力辭言久備近
臣不忍去帷幄馬書曰辭以不能事少貴元宗嘉其一心事主無微
後福意更用嚴續而後主亦由是賢之拜吏部尙書知
省事簡言親治簿書督責嚴峻人或以事請託必固違
拂雖直亦不得伸議者譏其過拜左僕射兼門下侍郎
同平章事

徐鉉游簡言左僕射平章事制曰門下昔在
明王膺圖嗣統雖復格天光表繼文下武猶

日實相以濟又曰克親厥臣矧惟寡昧謬咨庶尹若乃
承淵之重毗倚之隆詢於具瞻敢或輕授游某世濟文
雅挺生公器中興之始卽爲辭臣重熙在運亟更近署
忠爲令德實浮於名謁然直聲允洽時望先皇帝省方
展義分命羣司藉爾重臣輔予小子直躬無避正辭不
諂竊從行闕克申其勞至於受命交兵之間抗節履危
之際繇義以濟知無不爲此皆古之所以爲艱予之所
以嘉尚者也問歲出於獨斷命長南宮議者但高其盡
公之誠未許其理劇堅夙夜之節以率其勤請託不行
紀綱自舉羣議由是咸伏六職以之孔修風雨不渝始
終一致賁爲國器想見古人而躬親簿領之間遽成勞
勩從容廟堂之上未盡謀猷疇庸之典予所多媿是用
命作左相陟茲鸞臺進金紫之崇階典圖書之祕府勅
罰井賦併示寵名於戲釋細務足以導節宣之和參大
政足以暢燭綸之業繁爾致君之效成疾已篤不及視
我知臣之明往維欽哉無假多訓可
事卒年五十七唐餘紀傳曰簡言徒以舊人薦登揆
席在位循默充位而已卒年五十六
刁彥能字德明上蔡人父禮遇亂徙家宣州彥能少孤
事母篤孝家貧無以養乃事節度使王茂章茂章叛吳

歸吳越

五代史曰王景仁廬州合肥人初名茂章少從

以身先士卒梁太祖遣子友寧攻王師範於青州師範

乞師行密遣茂章帥步兵七千救之師範以兵背城爲

兩柵友寧夜擊其一柵柵中告急趨茂章出戰茂章按

兵不動友寧已破一柵連戰不已遲明茂章度寧兵已

困乃出戰大敗之斬友寧全忠聞友寧死以兵二十萬

倍道而至茂章閉壘示怯伺其怠毀柵疾戰酣退坐

召諸將飲酒已而復戰全忠登高望之得青州降人問

飲酒者爲誰曰王茂章也全忠歎曰使吾得此人爲將

天下不足平矣泝兵又敗茂章還軍泝兵急追之茂章

度不可走遣裨將李虔裕以眾一旅設覆山下留軍不

行解鞍而寢虔裕大呼曰追兵至矣宜速走虔裕以死

遇之茂章曰吾亦戰於此也虔裕三請乃行虔裕遂戰

死茂章得全軍歸楊廷自宣州入立以茂章代守其地

程索帷幕及親兵以行茂章惜不與及程襲王位以兵

攻之茂章奔於吳越避梁王全忠家諱改名景仁後歸

於梁末帝立以景仁爲淮南招討使攻隨壽軍過獨山

山有武皇帝祠景仁再拜號彥能以帳下當從使家人

泣而去後卒於泝贈太師

扶其母已俟道左泣告茂章曰彥能有老母在此不能

捨而從公敢請死茂章哀其意許之乃馳還宣州而城中已亂彥能登城以劍招之曰我從王府來大軍已近爾輩無妄動眾信之稍定義祖聞而嘉之以爲軍校事其子知訓於廣陵知訓狂恣彥能每切諫不聽然亦不加罪牙將馬謙以眾擁吳主登宮門將殺知訓彥能從朱瑾入手斬謙以獻賞賚甚厚然彥能警敏觀知訓必敗而人望在烈祖心常附焉知訓忌烈祖數欲害之嘗與烈祖飲酒伏劍士室中彥能行酒以爪語烈祖烈祖悟亟起去又嘗從知訓宴烈祖於山光寺復欲加害弟知諫語烈祖資治通鑑曰知訓及弟知諫皆不禮於徐助諫第四子爽悟善文知訓輔政無所溫精溫留知諫陰之諸將常惡知訓陵已而以知諫爲長者烈祖自潤

州人觀知訓會飲山光寺是日知訓大沈醺決欲害烈
祖知諫以謀告烈祖烈祖獲免太平府名勝志吉祥
院黃山谷記云江南李昇初爲徐溫乞子徐知訓不能
容置酒伏劍士欲殺之詰起走匿此院北山開古松下
以免及昇有國更名永壽烈祖亦馳去知訓取佩刀授
陳忠肅帖中亦曾及之

彥能使追殺之及於途舉刀示烈祖乃還以不及告及

知訓死義祖見彥能諫書歎異資治通鑑曰獨才彥能

使事知諫於潤州遷裨將烈祖代吳入爲環衛遷至天

威軍都虞候左衛使金陵數大水秦淮溢東關尤被害

彥能請築隄爲斗門疏導之水患稍息元宗嗣立出爲

饒州節度使徙信州馬書作饒信二州刺史又徙建州留後撫州

節度使彥能好讀書在鎮委任文吏頗有治稱好作詩

嘗與李建勳相答贈建勳因燕見及之元宗笑曰殊不

知彥能乃西班牙學士也性矜莊燕居容服不少情時貴
宴飲或蓬首裸袒彥能在坐則皆肅然保大末卒年六
十八子衍事後主爲祕書郎集賢校理以文苑見知擢
直清輝殿閣中外章奏國亡入朝仕至兵部郎中直祕
閣崇文院檢討渾淡夷粹恬於仕進暇日鼓琴圍弈不
交人事衍孫約亦名士久在三館晚築室潤州號藏書
鳴王安石蘇軾皆尊愛之江鄰畿雜誌李後主於清微
殿歌樓上春寒冰四面學士
刁衍起奏陛下未覩其大者遠者爾人疑其有規諷訊
之云風乍起吹皺一池春水又作紅羅亭子四面栽紅
梅花作豔曲歌之韓熙載和云桃李不須誇爛熳已輸
了春風一半時已割淮南與周矣金陵新志曰三衍
昇州人江南平李昉扈蒙在翰林勉衍出仕因獻聖德
頌於朝復故官七年不遷太平興國七年上疏言臣
酷法非律文所載者望詔天下禁止之上覽疏甚悅
一統志曰衍從李煜歸宋授太常太祝出知桐廬縣

詔言事上諫刑書累遷殿中丞歷知發光盧湖州術在南
唐富服飾極侈靡歸宋以純淡夷雅知名子湛湜
渭及湛子霽
約俱登進士

南唐書注卷六